

四庫全書

子部

欽定四庫全書

子部

御定駢字類編卷八十三

詳校官中書臣丁崇祚

主事臣祁韻士覆勘

總校官庶吉士臣倉聖脉

校對官助教臣汪錫旌

謄錄監生臣謝景文

欽定四庫全書

御定駢字類編卷八十三

數目門六

一 易九二見龍在田利見大人疏易含萬象為例非
一 及其六位則一為地道三四為人道五上為
天道 詩一之日感發二之日栗烈傳一之日十之餘
也疏一之日三之日猶言一月之日二月之日故傳辨
之言一之日者乃是十分之餘謂數從一起而終於十
更有餘月還以一一紀之也左傳鄭伯使許大夫百
里奉許叔以居許東偏曰天禍許國鬼神實不逞於許
君而假手於我寡人寡人唯是一一父兄不能共億其

敢以許自為功乎 又晉將合諸侯使士匄告於齊曰
寡君使匄以歲之不易不虞之不戒寡君願與一兄
弟相見以謀不協請君臨之使匄乞盟 漢書司馬遷
傳李陵既生降隤其家聲而僕又茸以蠶室重為天下
觀笑悲夫悲夫事未易一為俗人言也 又揚雄傳
僕嘗倦談不能一具詳請畧舉凡而客自覽其切焉
宋書五行志孫休後衣服之制上長下短又積領五
六而裳居一 干寶曰上饒奢下儉逼上有餘下不足
之妖也 又殷琰傳南方初起連州十六擁徒百萬仲
春以來無戰不北推陷殄滅十無一 南憑袁顥弱卒
北恃足下孤城以茲定業恐萬無一理 齊書樂志若
依鴻範木數用三則應水一火二金四也 若依月令金
九水六則應木八火七也當以鴻範一言之數言不成
文故有取捨而使兩義並違未詳以數立言為何依據
也 南史梁武帝紀山陽至巴陵帝復令天武齋書與
頴胄兄弟去後帝謂張弘策曰近遣天武往州府人皆

有書今段止有兩封與行事兄弟云一武口具及
問天武口無所說天武是行事心膂彼聞必謂行事與
天武共隱其事則人生疑山陽惑於衆口判相嫌貳
則行事進退無以自明是馳兩空函定一州矣陳書
沈文阿傳古禮朝廟退坐正寢聽羣臣之政今皇帝拜
廟還宜御太極殿以正南面之尊此即周康在朝一
臣衛者也五代史漢高祖紀論人君即位稱元年常
事爾古不以為重也孔子未修春秋其前固已如此雖
暴君昏主妄庸之史其記事先後遠近莫不以歲月
一數之乃理之自然也宋史職官志靖康元年八月
臣僚言祖宗時未有宗室叅部之法神宗時始選擇差
注一一崇寧初立法大優宗室參選之日在本部名次
之上既歷年月深遠勞効顯著之人復著名州大郡優
便豐厚之處議者頗欲懲革不注郡守縣令與在部人
通理名次從之又黃葆光傳自崇寧後增朝士魚局
多葆光以為言乃命蔡京裁定京陽請一切廢罷以激

怒士大夫蔭光言如禮制局詳議官至七員檢討官至
十六員製造局至三十餘員豈不能省去一一上副明
天子之意時皆壯之荀子欲觀千歲則審今日欲知
億萬則審一一又修百王之法若辨白黑應當時之
變若數一一注如數一一之易金丹金碧古文龍虎
經坎離數一一南北獨為經故冠七十二石之長歲
華紀麗一一稱雞狗六七為馬人徐幾勵志賦雖一
一之同志今亦僅以文學而相憐杜甫無家別詩四
鄰何所有一一老寡妻蘓拯明禁忌詩四面興土功
四時妨農事可以沒凶災四隅通一一白居易感時
詩雖有七十期十人無一一李商隱安平
公詩如公之德世一一豈得無淚如黃河
一三宋史樂志太宗因大樂雅琴加為九絃按曲轉入
大樂十二律清濁互相合應大晟樂府嘗罷一一
七九惟存五絃謂其得五
音之正最優於諸琴也

一四

大集會正法經若人能讀誦一句偈者彼所獲福聚與彼八十四疏伽沙數佛福聚等無異又

若有人得聞此大正法一句偈者與彼供養十三疏伽沙數如來應供正等正覺所獲福聚等無有異

一伍

後漢書仲長統傳井田之變豪人貨殖館舍布於州郡田畝連於方國不為編戶一之長而有千

室名邑之役唐書李華傳祿山背德大臣將相比肩從賊巡官不朝宴不坐無一之士一節之權徒奮身死節以動義旅不謂忠乎

一六

易本義陽奇陰耦所謂河圖者也其位一居下二七居上三八居左四九居右五十居中宋書

樂志春秋鄭伯納晉悼公女樂二八晉以一八賜魏絳此樂以八人為列之證也若如議者唯天子八則鄭應納晉二六晉應賜絳一一也太元經一一為水為北方為冬又鬼神耗荒想之無方無冬無夏祭之無度

故聖人著之以祀典視擬之——又九竅——為前
為耳二七為目三八為鼻四九為口五五為後輟耕
錄五行之中惟金木有自然之音水火土必相假而後
成音蓋水假土火假水土假火故金音四九木音三八
水音五十火音——土音二七此不易之論也書肆
說鈴——居北三八居東五居中此河洛之三同也二
七圖南而洛西四九圖西而洛南此河洛之二異也
楊傑五六天地之中合賦亦猶三五異位而同功孔子
述卦爻之義——共宗而在北揚雄明首贊
之辭趙森龍馬圖賦——惟水位彼北方

一八 宋書樂志見上 鮑照井字謎二形
一體四支八頭四八——飛泉仰流

一九 參同契子南午北五為綱紀——之數終而復始
老子中經念青天太清元氣下在目前入口中

咽之——而止 鮑照土字謎乾之——隻立無偶坤
之二六宛然雙宿 楊維禎老客婦謠老客婦老客婦

行年七十

又一一

一十

漢書食貨志次七分
三銖曰幺錢一一

一百

水經江水又東逕朐忍縣故城南江水又東逕瞿
巫灘註即下瞿灘也左則湯溪水注之水源出縣

北六百餘里上庸界南沅歷之縣翼帶鹽井一一所巴
川資以自給 庾信對酒歌人生一一年歡笑惟三五

駱賓王冬日宴詩二三物外友一一杖頭錢 杜甫
狄明府詩今者兄弟一一人幾人卓絕秉周禮 又嚴

鄭公階下新松詩何當一一文敬蓋擁高簷 又蕭八
明府隄處覓桃栽詩奉乞桃栽一一顥春前為送浣花

邨 白居易對酒詩人生一一歲通計三萬日 又贈
能七倫詩手中一一篇句句披沙金 廖融謝翁宏以

詩百篇見示詩高奇一一篇造化見工全 曹唐小遊
仙詩見一春下 皮日休入林屋洞詩匍匐一一步稍

道入皇城門黃絹以長三千道紹興二年正月所定也
白居易代書詩狂吟——字因使寄微之皮日休

吳中苦雨詩此時——里平下天台瀑又汴河懷古
詩應是天教開汴水——餘里地無山黃滔放榜日

詩白馬嘶風三十轡朱門秉燭——家蘓軾泛
舟城南詩繞郭荷花——頃誰知六月下塘春

一萬

司馬貞史記補天皇氏兄弟十二人立各——八
千歲北史劉昉傳昉入佐相府便為非法三度

事發二度其婦自論常云姓是卯金刀名是——日劉
氏應王為萬日天子無量印法門經彼師子遊戲金

光王如來法中有王名勝威其王以千世界中自在特
尊廣大富盛正法化世有七萬六千最上園苑王所受

用其王諸子各有——園林受用守護國界主陀羅
尼經汝是國王出遊園苑嚴備象駕——二萬馬中馭

車二三十萬以為翊從張正見山賦崑崙五門扶寧
三石峰高——峭峙三百杜甫北征詩送兵五千人

驅馬一匹又塞蘆子詩焉得一人疾驅塞蘆子

又傷春詩關塞三千里煙花重重又承間河北

諸道節度入朝詩興王會靜妖氛氣聖壽宜過一春

實叔向春日早朝應制詩宮花一樹不敢舉頭看

盧綸皇帝感詞山呼一歲直入九重城白居易

東樓竹詩森然一竿白粉封青玉李商隱莫愁詩

雪中梅下與誰期梅雪相兼一枝劉商代人村中

悼亡詩邇來庭柳無人折長得垂枝一條唐求舟

行夜泊夔州詩欲作還家夢青山一重陸龜蒙南

征詩遙知賊膽縱橫破繞帳生犀一株楊萬里雪

晴詩銀色三千

界瑤林一重

一億詩我倉既盈我庾維億疏我倉之內既得滿矣我

庾之大維積一也後漢書東平憲王蒼傳賜

錢前後一布九萬匹又徐瑋傳舉高第遷荊州刺

史時董太后姊子為南陽太守瑋到州奏忠賊餘一

又馮緄傳荊州平定詔書賜錢一固讓不受
書食貨志孫權嘉平五年鑄大錢一當五百赤烏元年
又鑄當千錢故呂蒙定荊州孫權賜錢一錢既太貴
但有空名人間患之權問百姓不以為便省息之鑄為
器物四十二章經佛言飯一阿那舍不如飯一阿
羅漢觀佛三昧海經佛說是語時釋百眾中一釋
子發阿耨多羅三藐三菩提心

一隻

後漢書徐穉傳註謝承書曰穉諸公所辟雖不就
有死喪負笈赴弔嘗於家豫炙雞一以兩綿

絮漬酒中暴乾以裹雞徑到所起冢遂外以水漬綿使
有酒氣斗米飯白茅為藉以雞置前醢酒畢留謁則去
不見喪主又王喬傳王喬者河東人也顯宗世為葉
令喬有神術每月朔望常自縣詣臺朝帝怪其來數而
不見車騎密令太史伺望之言其臨至輒有雙鳧從東
南飛來於是候鳧至舉羅張之但得一鳥焉乃詔上

方診視則四年中所賜尚書官屬履也齊書東昏侯紀潘氏服御極選珍寶主衣庫舊物不復周用貴市民間金銀寶物價皆數倍琥珀釧一一直百七十萬張敬兒傳敬兒與攸之司馬劉攘兵情款及蒼梧廢敬兒疑攸之當因此起兵密以問攘兵攘兵無所言寄敬兒馬鐙一一敬兒乃為之備南史劉敬宣傳嘗夜與僚佐宴空中有投一一芒屨於坐墜敬宣食盤上長三尺五寸又始興簡王鑑傳邵碩始康人元徽二年忽告人云吾命終因卧而死後人見碩在荊州上明以一故履縛左脚而行甚疾遂不知所之唐書五行志朱泚未敗前兩月有童謠曰一一筋兩頭朱五六月化為胆元史五行志至正十年河南北童謠云石人一一眼挑動黃河天下反穆天子傳辛丑天子渴於沙衍求飲未至七萃之士高奔戎刺其左驂之頸取其青血以飲天子天子美之乃賜奔戎佩玉一一奔戎再拜詣首天子乃遂南征又癸亥天子觴重糍之人鰥鰥

乃賜之黃金之鑾二九銀烏一一貝帶五十珠七百裹
篙箭桂薑百崗絲繩雕官鰓篋乃膜拜而受洞冥記
東方朔曰東北有地日之草西南有春生之草臣小時
掘井陷落地下數十年無所托寄有人引臣欲往此草
中隔紅泉不得渡其人以一一履與臣臣泛紅泉得至
此草之處臣采而食之水經注鄧德明南康記曰昔
有盧耽仕州為治中少棲仙術善解雲飛每夕輒陵虛
歸家曉則還州嘗於元會至朝不及朝列化為白鵲至
閣前迴翔欲下威儀以石擲之得一一履耽驚還就列
內煬帝開河記帝至洛陽遷駕大渠詔江淮諸州造
大船五百隻使命至急如星火民間有配著造船一一
者家產破用皆盡猶有不足枷項笞背然後鬻貨男女
以供官用釵小志周光祿諸妓掠鬢用鬱金油傅面
用龍消粉染衣以沉香水月終人賞金鳳凰一一女
紅餘志魏文帝陳巧笑挽髻別無首飾惟用圓頂金簪
一一插之文帝目曰元雲黯靄兮金星出李白奔亡

道中詩仍留一箭未射魯連書元稹戴光弓詩唯
調一箭飛入破聊城白居易同微之贈別郭虛舟
鍊師詩朱頂鶴一與師雲間騎又洛下卜居詩天
竺石兩片華亭鶴一又初到忠州贈李六詩一
蘭船當驛路百層石磴上州門又劉蕓州以華亭一
鶴遠寄以詩謝之殷勤遠來意一重千金劉禹錫
有所嗟詩只應長在漢陽渡化作鴛鴦一一飛李賀
靜女春曙曲冰洞寒龍半匣水一一商鷺逐煙起姚
合秋晚江次詩沙渚幾行雁風灣一一船李九齡荆
溪夜泊詩小灘驚起鴛鴦處一一采蓮船過聲于濬
古宴曲燕娥奉卮酒低鬟若無力十户手胼胝鳳凰釵
一一高駢步虛詞青溪道士人不識上天下天鶴一
船司空圖華下詩邨南寂寞時回望一一鴛鴦下渡
船又自河西歸山詩鶴羣長遶三珠樹不借人間一
一騎高蟾長信宮詩生平心緒無人識一一金梭萬
丈絲羅隱早春巴陵道中詩中流菱唱泊何處一一

畫船前作橈 徐寅新月詩姮娥——省先掃織女三
分鏡未光 唐求友人見訪不值詩更聞鄰舍說——

鸛來

一半

後漢書律歷志六日律七寸小分——強 宋史
河渠志順聖河正分秦淮之水每遇春夏天雨連

綿上源奔湧則分一派之水自南門外直入於江故秦
淮無泛濫之患今——淤塞為田水流不通若不惜數
畝之田疏導之以復古跡則其利尤倍 又食貨志詔
諸路常平錢穀常留——外方得給散兩經倚閣常平
錢人力不得支借民間非時闕乏許以物產為抵依常
平限輸納 元史選舉志省準中瑞司譯史從翰林院
發知印長官選保令史奏差叅取職官——所選相應
考滿依例遷叙奉懿旨委用者考滿本司區用有闕以
相應人補 避暑錄話安祿山櫻桃詩云櫻桃一籃子
半青——黃——寄懷王——寄周贄或請以——寄

周贄句在前則協韻祿山怒曰豈肯使周贄壓我兒耶
蕭琳隔壁聽妓詩唯有歌梁共塵飛——來杜甫
晨雨詩麝香山——亭午未全分李白短歌行麻姑
垂兩鬢——已成霜盧綸渡浙江詩飛沙卷地日色
昏——征帆浪花濕李益登天壇詩九州下視杳未
旦——浮生皆夢中又夜上西城聽涼州曲詩鴻雁
新從北地來聞聲——却飛回羊士諤和李都官郎
中經官人斜詩翡翠無窮掩夜泉猶疑——作神仙
韓愈宿龍宮灘詩如何連曉語——是思鄉楊巨源
奉和裴相公詩竹寺題名——空哀榮三十六人中
元稹西歸詩春來愛有歸鄉路——猶疑夢裏行又
還鄉何用淚沾襟——雲霄——沈又春分投簡陽
明洞天詩中分春——今日半春徂白居易九月八
日酬皇甫十見贈詩霜蓬舊鬢三分白露菊新花——
黃又喜照密閒實四上人見過詩官秩三迴分洛下
交遊——在僧中劉禹錫郡內書情獻裴侍中留守

詩萬乘旌旗分	情斷不勝愁	盧仝解悶詩人生都幾	日	是離憂	王建送嚴大夫赴桂州詩嶺頭分界	候	屬湘潭	又宮詞官花不共外花同正月長生	和	少府崔卿微雪早朝詩粉画南山稜郭出初晴	又	隔雲看	李洞送知己赴濮州詩濮陽流政化	布	風騷	許渾題崔處士山居詩坐窮今古掩書堂二頃	湖田	荒	李涉寄河陽從事楊潛詩稚子纔年七	歲餘漁樵	分渠力	于鄴秋夕間雁詩洞庭今夜	客	却登舟	曹松駙馬宅宴罷詩粉牆殘月照官	祠宴閱銀瓶	一敵	方干山中言事詩受葉幾多為	弟子成名	一作公侯	又鑑湖西島言事詩歲計有	時添稼實生涯	在漁舟	司空圖五十詩髭鬚強	染三分折絃管遙聽	悲	又攜仙籀詩	晴空	雲遠籠仙掌	日初曛	又新歲對寫真詩生情暗
--------	-------	-----------	---	-----	----------------	---	-----	----------------	---	--------------------	---	-----	----------------	---	----	--------------------	----	---	-----------------	------	-----	-------------	---	-----	----------------	-------	----	--------------	------	------	-------------	--------	-----	-----------	----------	---	-------	----	-------	-----	------------

結千重恨寒勢常欺——春黃損讀史詩須知煙閣
上——老儒真韓偓半睡詩着山暗澹向殘燈——
雲鬟墜枕稜陸龜蒙雲北詩——遙峰雨三條古井
煙又藥名離合詩青箱有意終須續斷簡遺編——
通皮日休種魚詩移土和岸邊——和魚子又和
魯望寒日古人名詩水邊韶景無窮柳寒被江淹——
黃吳融塗中阻風詩洛陽寒食苦多風掃蕩春華——
——空陳陶南昌道中詩村翁莫倚橫浦曾——魚鰕
屬鷓鴣無名氏河中石刻詩并梧花落盡——在銀
牀印正詩白雲歡喜兩平分僧——兮雲——梅
堯臣十五日雪詩春風九十——已銷磨王安石
金陵卽事詩水際柴門——開小橋分路入青苔蘼
軾占山亭詩誰知海上詩狂客占得膠西——山
和蔣夔寄茶詩老妻稚子不知愛——已入薑鹽煎又
又登望猗亭詩忽然歸壑無尋處千里禾麻——空
孔平仲西行詩蕎花著雨相爭秀棗頻迎陽——丹

陳與義春日詩年年春日寒欺客今日春無一寒
楊萬里考試湖南漕司南歸值雨詩舊聞行路令人老
便恐霜花一一加又二月望日詩小雨輕風春一一
去年今日在嚴州范成大曉起詩夢裏五更風急愁
邊一一春殘又孫真人菴詩閒身儘辦供薪水定肯
分山一一無又寄題毛君先生蓮華峰菴詩但願瘦
筇緣未斷會把蓮峰分一一趙師秀數日詩林疎放
得遙山出又被雲遮一一徐照題趙運管吟蓬詩訪
吟斷不知驚驚起汀花一一在船篷戴復古吳門訪
舊詩藏春門下客一一落山丘趙秉文山行詩雨聲
欲到詩人耳雲氣先蒙一一山李俊民宿邨舍詩尚
憐作者千年調那肯分人一一山又讀項羽傳詩鴻
溝時暫割山河楚國山河一一多郝經長蘆舟中遇
風詩海風栗栗刮鯨涎吹裂西南一一天薩都刺題
畫詩遮却青山一一只疑僧舍茶煙又過范陽驛詩
凍雲欲雪風吹散望出西山一一青宋无馬塍詩至

今耕種地——作花園周昂促織詩凌晨攬清鏡——

已成絲

黃庚江邨即事詩雁宿蘆花鴉宿樹各分

——夕陽歸

張翥憶廣陵舊事詩上國旌旗分——

層臺歌舞宿三千陳基送彥成玉山詩虎邱山下東

沅水爭似春愁——又多漢書李陵傳令軍士人持

二升糲——冰註如淳曰半讀曰片或曰五升曰半師

古曰半讀曰判判大片也時

冬寒有冰持之以備渴也

一雙

禮記少儀其禽加于——則執——以將命史

記項羽紀

乃令張良留謝良問曰大王何來操曰

我持白璧——欲獻項王王斗——欲與亞父會其怒

不敢獻公為我獻之張良入謝曰沛公不勝楮杓不能

辭謹使臣良奉白璧——再拜獻大王足下王斗——

再拜奉大將軍足下項王則受璧置之坐上亞父受玉

斗置之地拔劍撞而破之漢書南越傳謹北面因使

者獻白璧——後漢書板楯蠻傳秦昭襄王時有一

白虎常從羣虎數遊秦蜀巴漢之境傷害千餘人昭王乃重募國中有能殺虎者賞邑萬家金百鎰時有巴郡閬中夷人能作白竹之弩乃登樓射殺白虎昭王嘉之而以其夷人不欲加封乃刻石盟要復夷人頃田不租十妻不算傷人者論殺人者得以俟錢贖死盟曰秦犯夷輸黃龍一夷犯秦輸清酒一鍾夷人安之宋書符瑞志元嘉二十八年八月己巳崇義軍人獲白雀一太子左率王錫以獻又百官志天子所服五時衣以賜尚書令僕而丞郎月賜赤管大筆一一愉麋墨一丸齊書阮韜傳宋孝武選侍中四人並以風貌王或謝莊為一一韜與何偃為一一常充魚假陳書馬樞傳常有白燕一一巢其庭樹馴狎欄廡時集几案春來秋去幾三十年北史獠傳獠王各有鼓角一一使其子弟自吹擊之水經注洛縣有沉鄉去江七里姜士遊之所居詩至孝母好飲江水嗜魚膾常以雞鳴遡流汲江子坐取水溺死婦恐姑知稱詩遊學冬夏衣服實

投江流于是至考上通洞泉泉出其舍側而有江之甘
焉詩有田濱江澤幽泉流所溉盡為沃野又湧泉之中
旦旦常出鯉魚——以膳焉瑞桂堂暇錄東坡自謫
海南歸人有問其遷謫艱苦者坡答曰此乃骨相所招
少時入京師有相者云——學士眼半箇配軍頭異日
文章雖當知名然有遷徙不測之禍今日悉符其語
王羲之野鴨帖損惠野鴨——秋來未得始是嘗新遠
能分遺但深佩耶繁欽定情詩何以致殷勤約指——
——銀庚信詠画屏風詩行雲數者過白鶴——來
又行厨半路待載妓——迴劉刪賦得獨雀凌雲去
詩寄語雷門鼓無復——飛李白北風行中有——
白羽箭蜘蛛結網生塵埃又浣紗石上女詩——金
齒屐兩足白如霜杜甫江樓夜宴詩尊蟻添相續沙
鷗並——又卜居詩無數蜻蜓齊上下————鵝鵝對
沈浮又即事詩——白魚不受釣三寸黃甘猶自青
吉師老鴛鴦詩渡頭驚起——去飛上文君舊錦機

韓愈青青水中蒲詩青青水中蒲下有——魚又
路傍堠詩堆堆路傍堠——復一隻白居易舟中夜
坐詩秋鶴——船一隻夜深相伴月明中又酬裴相
公見寄詩——垂翅鶴數首解嘲文又寄庾侍郎詩
——華亭鶴數片太湖石巉巉蒼玉峰矯矯青雲翮
劉禹錫寄唐州楊八歸厚詩何況遷喬同舊伴——先
入鳳凰池又郡內書情獻裴侍中留守詩心寄華亭
——鶴日陪高步繞池塘又途次華州陪錢大夫登
城北樓春望詩百二山河雄上國——旌旆委名臣
張又新孤嶼詩不知誰與名孤嶼其實中川是——
李賀唐兒歌骨重神寒天廟器——瞳人剪秋水王
建宮詞縵得紅羅手怕子中心細畫——蟬又內鷹
籠脫解紅條鬬勝爭飛出手高直上碧雲還却下——
金爪掬花毛賈島贈圓上人詩——童子繞紅藥百
八真珠貫綵繩李商隱水齋詩誰人為報故交道莫
惜鯉魚時——溫庭筠春日詩——青瑣燕千萬綠

楊絲 許渾喜遠書詩此日南來使金盤魚——崔
櫓酒失詩巨耐——窮相眼不堪花卉在前頭 劉魚
蓮塘霽望詩萬疊水紋羅乍展——鸛鵲繡初成 柳
中庸春思贈人詩紅粉當三五青娥豔——李羣玉
醉後贈馮姬詩二寸橫波回漫水——纖手語香絃
又贈妓人詩今日分明花裏見——紅臉動春心 王
偃明君詞——淚滴黃河水應得東流入漢家 司空
圖王官詩盡日無人只高卧——白鳥隔紗厨 秦韜
玉詠手詩——十指玉纖纖不是風流物不拈 韓偓
天涼詩何處山川孤館裏向燈彎盡——晝 又荔枝
詩想得佳人微啟齒翠釵先取——懸 羅虬比紅兒
詩雲間翡翠——飛水上鴛鴦不暫離 唐彥謙無題
詩吹罷玉簫春似海——彩鳳忽飛來 李山甫赴舉
別所知詩麻衣盡舉——手桂樹只生三兩枝 黃滔
泛建溪詩更愛延平津上過——神劍是龍鱗 王安
石留題微之廨中清輝閣詩鷗鳥——隨坐笑荷花十

丈對冥搜 又金陵懷古詩黃旗已盡年三百紫氣空
收劍 一 蘓軾過建昌李野夫公擇故居詩何人修

水上種此 一 玉 又食甘詩 一 羅怕未分珍林下
先嘗愧逐臣 又食雉詩百錢得 一 新味時所佳

范成大次景琳錄事贈別韻詩賴得溪流通尺素蒲根
仍有 一 一 魚 又郡治雙蓮詩但許鴛鴦相對浴休驚

翡翠 一 一 飛 楊萬里晨炊浦村詩隔溪三四屋對面
一 一 峰 又夜宿小井清曉放船詩晨炊只煮野蔬湯

更揀鮮魚買 一 一 薛季宣誠臺雪望懷子都詩白也
今良嗣千年壁 一 一 戴復古江村晚眺詩白鳥 一 一

臨水立見人驚起入蘆花 又雁山總題詩賓秋多少
雁報曉 一 一 鴉 王阮瀑布詩 一 一 玉塔倚絕壁兩道

白雲騰半山 元淮春閨詩倒把鳳翹搔鬢影 一 一 蝴
蝶過東牆 李俊民解珮渚詩相遇江臯事頗奇 一 一

解佩去還遺 范梈奉和王繼學懷濟南舊遊詩手接
新詞絕底清 一 一 白眼為君青 王惲仙遊曲日長孤

絕壇邊鶴啄徧晴苔
映詩一白鳥背人去無數青山似馬來
黃鎮成舟過石門梁安

繡幕無端風卷起
飛近馬邊鳴
馬祖常駕發上京詩

多情白翎雀
飛近馬邊鳴
馬祖常駕發上京詩

十萬總駝騎
飛近馬邊鳴
馬祖常駕發上京詩

夢覺午窗人寂寂
巢燕自呢喃
楊維禎龍王塚

女詞秋深寄字湖
龍姑蘭香廟下
魚又無題詩

一孔雀銜青綬
十二飛鴻上錦笥
顧瑛湖光山色

樓聯句幾樹好花開
別岸一飛鳥趁輕舸

又欵歌漁童歛
乃蕩舟去驚起錦鳬飛

一再漢書司馬相如傳
酒酣臨卽令前奏琴日竊聞長

卿好之願以自娛
相如辭謝為鼓行元好

問觀浙江漲詩投詩

與龍盟蕩滌煩

一對皮日休重元寺雙矮檜詩應如

天竺難陀寺一後貌相枕眠

一倍

唐書裴均傳先是天下賦法有三一曰上供曰送使曰留州建中初釐定常賦而物重錢輕其後輕

重相反民輸率一其初而所在以留州送使之入捨

公估更實私值以自潤故賦益苛齊民重困宋史食

貨志常平之息歲取二分則五年有一之數免役剩

錢歲收一分則十年有一年之備故紹聖立法常平息

及一免役寬剩及三科取旨蠲免以明朝廷取於民

者非以為利也又紹熙元年臣僚言古者賦租出於

民之所有不强其所無今之為絹者一折而為錢再

倍折而為銀銀愈貴錢愈難得穀愈不可售使民賤糶

而貴折則大熟之歲反為民害越絕書計倪曰以智

論之以決斷之以道佐之斷長續短一歲再倍其次一

注此言金粟之盈虛生息之多寡明一統志蜀本

地高山險鳥蒙又高蜀一庾信画屏風詩雲度三

分近花飛一低王維晚春嚴少尹與諸公見過詩

自憐黃髮暮一一惜年華戴叔倫送東陽顧明府罷

歸詩相看作離別
見寄詩應得靈芝也
詩情一不禁愁
劉商酬濬上人采藥

材詩氣當霜降十分
寒月比中秋
耶律楚

一重

宋史儀衛志
漆執哥舒為
凡天武官舊二百一十六人
空行今

五十五人通為三百人
為一殿前指揮使
舊四十八人
今添百

差充並騎為
水經注
漣水東入衡陽湘鄉縣歷

雲母開發
輒有魚行鱗
首尾宛若刻畫
大業

有正殿內殿東西朝堂
周以軒廊
中二重有一百六十房
又有飛羽舫六十艘
一艘一重有一百六十人

雲笈七籤
三界圖云
三十二天
四傍並分列四方
一四天積氣相承扶搖而上
其天獨立亦無八方
朱

異詠貧詩窗開兩片月霜足一寒閭朝隱奉和聖
製夏日遊石淙山詩千種岡巒千種樹一巖壑一
雲杜甫嶽麓道林寺詩一掩吾肺腑山鳥山花
吾友于曹松洞庭湖詩吸迴日月過千頃鋪畫星河
剩一吳融憲丞裴公上洛退居有寄詩目斷瓊林
攀不得一丹水抵三湘陸龜蒙和襲美閑元寺佛
鉢詩空王初受逞神功四鉢須臾現一程俱偶作
詩一掩藏煙塢三沐三薰屏世塵又去聲禮記
少儀見一輕下又喪服小記庶子不為長子斬不繼
祖與禰故也疏庾氏云用忌則禰重用義則祖重父之
與祖各有

一連

漢書鼂錯傳古之制邊縣以備敵也使五家為伍
伍有長十長一里里有假士四里一連有假五

百十連一邑邑有假候皆擇其邑之賢材有護習地
形知民心者居則習民於射法出則教民於應敵

一原

淮南子身處江海之上而神遊魏闕之下非得一孰能至於此哉正蒙性者萬物之一也

圖繪寶鑑何長壽與范長壽同師法故所画多相類然
一一而異派論者次之朱子詩發憤永刊落奇功收

一片

後漢書周燮等傳序太原閔仲叔者客居安邑老病家貧不能得肉日買猪肝一一屠者或不肯與

安邑令聞敕吏常給焉仲叔怪而問之知乃歎曰閔仲叔豈以口腹累安邑邪遂去客沛齊書劉俊傳鄧通

南安人漢文帝賜嚴道縣銅山鑄錢今蒙山近青衣水南青衣在側並是故秦之嚴道地青衣縣又改名漢嘉

且蒙山去南安二百里案此必是通所鑄近喚蒙山獠出云甚可經畧此議若立潤利無極并獻蒙山銅一一

又銅石一一平州鐵刀一口上從之又陸厥傳士衡雖云炳若縛錦寧有濯色江波其中復有一一是衛文

之服此則陸生之言即復不盡者矣
北史崔光韶傳
吾兄弟自幼及老衣服飲食未嘗一
不同至於兒女
冠婚榮利之事未嘗不先以推弟
開元天寶遺事開
元元年內中因雨過地潤微裂至夜有光宿衛者記其
處所曉乃奏之上令鑿其地得寶玉一
如拍板樣上
有古篆天下太平字百僚稱賀收之內庫
紀談錄沈
堯有洞庭樂賦韋八座袖謂朝賢曰此賦乃一官商
也庾信詠畫屏風詩何勞一雨喚作陽臺神又
詠鏡詩光如一一水影照兩邊人又遊山詩澗底百
重花山根一一雨張若虛春江花月夜詩白雲一
去悠悠青楓浦上不勝愁王維同崔傳答賢弟詩九
江楓樹幾回青一一揚州五湖白李白詩長安一
月萬戶擣衣聲杜甫曲江詩一一花飛減却春風飄
萬點正愁人賈至送王道士還京詩一一仙雲入帝
鄉數聲秋雁至衡陽王昌齡芙蓉樓送辛漸詩洛陽
親友如相問一一冰心在五壺戴叔倫小雪詩愁人

正在書窗下——飛來——寒 盧綸 玫瑰花詩 斷日
千層豔孤霞——光 李益 贈毛仙翁詩 長愁忽作鵷
飛去——孤雲何處尋 冷朝陽瀑布泉詩 自古惟今
日淒涼——泉 楊巨源 酬崔博士詩 青松樹杪三千
鶴白玉壺中——冰 又 酬于駙馬詩 蛟藏秋月——
水驥鎖晴空 千尺雲 韓愈 古意詩 冷比雪霜甘比蜜
江底——入口 沉痾痊 劉禹錫 金陵懷古詩 千尋鐵鎖沉
生涯——青山 元稹 贈李十二牡丹花片詩 可憐顏
色經年別 收取朱闌——紅 王建 宮詞 樹頭樹底覓
殘紅——西飛——東 又 題渭亭詩——蔡州青草
色日西鋪在古臺邊 盧仝 憶金鵝山沈山人詩——
新茶破鼻香 請君速來助我喜 劉商 古意詩 風吹昨
夜淚——枕前冰 徐凝 上陽紅葉詩 千聲萬聲御溝
上——出宮何處流 李商隱——詩——飛煙隔九
枝蓬萊仙仗儼雲旗 又 代元城吳令暗為答詩 荆王

枕上元無夢莫枉陽臺——雲張貴悼鶴詩無端日
暮東風起飄散春空——雲徐夤憶長安行不知坐
釣清溪月心共寒潭——澄王安石出郊詩川原——
綠交加深樹冥冥不見花石介訪竹溪呈孟節詩
——青衫非富貴千竿綠竹好生涯蘇軾過嶺寄子
由詩——丹心天下數行清淚嶺雲南孔平仲荆
林館詩千枝萬葉誰拘管攬作秋風——聲徐積宿
山館詩倦聽雨後諸巖溜渴憶春前——冰方岳山
居詩我愛山居好林梢——晴趙師秀陳待制湖樓
詩兩層簾幕垂無地——笙歌起半空翁卷送趙嗣
勳詩——太湖色遠涵秋氣空戴復古湘中遇翁靈
舒詩天台——雁山鄰只隔中間——雲文天祥曉
起詩秋聲江——曙影月三分戴曷夜過鑑湖詩推
篷四望水連空——蒲帆正飽風李俊民橫峰卧雪
詩——青山是歸處無心更逐渡溪風趙秉文靈峰
院詩——白雲巖下起不教眼力盡東溟雷淵洛陽

詩日上煙花——紅崧邱西峙洛川東
少年行八月蒼鷹——雪五花驕馬四蹄風
正堂詩晚風吹斷溪南雨——金煙挂夕陽
後詩——秋光清似水家家空翠滿柴門
軒詩——海濤雲杪墮幾番山雨月中生
對月詩——鳳凰池上月向人還似舊時明
江館舍詩遠屋四圍都是水隔林——不多山
端石硯詩千年巖璞斬新硯——琳腴截紫青
琵琶詩——相思木聲含古塞秋
身只似到南州沙草寒難——秋陳泰和陸放翁白
芋詩含情脉脉剪刀裏——湘江明月中
自春石屏巫山圖詩——屏開十二峰陽臺去路有無
中黃鎮成普陀島詩——雲帆駕渺茫東臨絕島拂
扶桑曹伯啓夢酒詩會詩半窗涼雨青綾薄——春
風翠旆高薩都拉彭城雜詠夜涼——城頭月曾照
張家燕子樓張養浩遊香山詩寶刹千間窮土木殘

碑一失遼金 吳師道病起詩一清秋在何處豆
花籬落雨濛濛 錢惟善張園詩滿池月色如霜白一

一 鼃聲似雨來 王逢登越城故基詩
一 范家湖上月照人心事獨分明

一枚

宋書禮志納采問名納吉請期親迎皆用白雁白
羊各一頭酒米各十二斛唯納徵羊一頭元纁用

帛三匹絳二匹絹二百匹虎皮二張錢二百萬玉璧一
馬六頭酒米各十二斛鄭元所謂五雁六禮也 漢

官儀尚書令僕丞郎月賜隄康大墨一 小墨一
水經注漢武帝時魯恭王壞孔子舊宅廟屋三間夫子

在西門東向徵母在中間南面夫人隔東一間東向夫
子牀前有石硯一 作甚朴云平生時物也 開元天

寶遺事龜茲國進奉枕一 其色如瑪瑙溫溫如玉其
製作甚樸素若枕之則十洲三島四海五湖盡在夢中

所見帝因立名為遊仙枕 蘓軾
種松詩一 已有餘氣壓千畝槐

一通

後漢書崔寔傳明于政體吏才有餘論當世便事數十條名曰政論指切時要言辨而確當世稱之

仲長統曰凡為人主宜寫一一置之坐側齊書謝超

宗傳都令史駱宰議策秀才考格五問並得為上四三

為中二為下一不合與第超宗議以為片辭折獄寸言

挫衆魯史褒貶孔論興替皆無俟繁而後秉裁夫表事

之淵析理之會豈必委牘方切治道非患對不盡問患

以恒文弗奇必使一一峻正寧劣五通而常與其俱奇

必使一亦宜採又張融傳太祖即位後手詔賜融衣

曰見卿衣服麤故誠乃素懷有本交爾藍縷亦屬朝望

今送一故衣意謂雖故乃勝新是吾所著已令裁減

稱卿之體并履一量唐書辛秘傳秘為大官居不易

第服不改初其奉祿悉與裏表親屬病自銘其墓作書

一一織之卒後發視則送終制也儉而不違於禮云

羣碎錄鼓三百三

十三槌為一一

一點

雞跖集蕭子良與王僧虔書曰左伯之紙妍妙輝光仲將之墨一一如漆左伯人名也金丹大要

紫陽翁曰木永一一紅金鉛四觔黑王羲之題衛夫人筆陣圖每作一一常隱鋒而為之江淹惜晚春詩

始獲瓊歌贈一一重如金劉希夷洛中晴月詩微雲一一曙煙起南陌憶憶徧行子岑參衛節度赤驃馬

歌草頭一一疾如飛却使蒼鷹翻向後王昌齡謁焦鍊師詩中峰青苔壁一一雲生時錢起病鶴篇獨鶴

聲哀羽摧折沙頭一一留殘雪又和慕容法曹尋漁者詩孤煙一一綠溪滑漁父幽居即舊基戴叔倫相

思曲落紅亂逐東流水一一芳心為君死嚴維秋夜船行詩一一前村火誰家未掩扉元稹遭風詩洞庭

瀾漫接天迴一一君山似措杯白居易浦中夜泊詩回看深浦停舟處蘆荻花中一一燈朱灣送陳偃賦

得白鳥翔翠微詩淨中雲一一回處雪孤飛實庠金山寺詩一一青螺白浪中全依水府與天通張碧秋

日登岳陽樓詩天高雲卷綠羅低——君山礙人眼
崔道融詩萬里——白長空鳥不飛雍裕之宿棣華

館間雁詩——秋燈殘影下不知寒夢幾回驚司空
圖贈日東鑒禪師詩夜深雨絕松堂靜——飛螢照寂

寥張喬贈頭陀僧詩如今竹院藏衰老——寒燈弟
子燒徐夤釣車詩荻灣漁客巧妝成碯鑄雲星——

輕無名氏詩濃綠萬枝紅——動人春色不須多
蘓軾雙石詩——空明是何處老人真欲住仇池又

送楊傑詩歸來平地看跳九——黃金鑄秋橘又岐
亭道上見梅花詩數枝殘綠風吹盡——芳心雀啅開

晁補之泗州王諫議明叟留飲詩兩行堤柳關心在
——淮山入眼來徐積晚春詩易貯千尋水難藏——

後政堪行楊萬里山居雪後詩——紅塵未敢生松間雪
又嘗新荔枝詩——胭脂染蒂旁忽然紅

徧綠衣裳范成大宴坐菴詩——斜光明紙帳悟知
簷雀已穿窗戴復古長沙呈趙東巖運使詩湘江——

一不容俗嶽麓四時皆是秋
方岳月夜詩天淨畧無
雲一夜深已是鶴三更
劉因遂城道中詩冷煙裊
草千家冢流水斜陽一
村張翥聞雲海寬寶林同
二師寂音詩只留一一詩
燈在長照殘山剩水中
王
憚萬壽節詩殷勤一一東
華日先到紅鸞扇影光
薩
都拉夜過白馬湖詩舟行
未見初更月一一漁燈落
遠
汀方夔雜興詩一省黃無
官况五分頭白總詩愁
宋无玉環病齒圖詩一一
春寒入鉢犀海棠花下獨
顰者葉顥鷺立寒江詩疑
是晴江沙上雪黃昏一
不分明又茶蘼詩一一檀
心氣味長向人無語舞霓
裳蒲道源海棠詩一一芳
心肯破慳恨無紅錦護朝
寒吳萊白石湫雲詩獨上
南山最上頭朝隣一一便
成湫又五洩山紀遊詩一一
剛風削玉蓉仙山肺腑
悶重重柳貫立春日陪左
平章飲散懷舊偶題詩東
風若也勤披拂莫遣寒梅
一一飛王逢小
遊仙詞若受人間塵一一
長門又屬漢相如

一个

大學若有——臣斷斷兮無他技其心休休焉其如有客焉左傳晏子曰姜族弱矣而媯將始昌

二惠競爽猶可又弱——焉姜其危哉又晉人曰天

禍魯國君淹恤在外君亦不使——辱在寡人吳語

譬如羣獸然——負矢將百羣皆奔王其無叔也又

箇同公羊傳吾與鄭人未有成也註此傳發者解稱人

為共國辭傳發此吾與鄭人未有一段事者非直解鄭

擅獲諸侯為有罪而魯侯不能死難亦當絕故令鄭稱

人言輸平則魯侯亦合稱人矣——人字兩國共有故

云稱人為共國辭南史齊廢帝紀極意賞賜左右動

至百數十萬每見錢曰我昔思汝——不得今日得用

汝未北史齊安德王延宗傳延宗幼為文宣所養年

十二猶騎置腹上令溺已臍中抱之曰可憐止有此——

又突厥傳譬如上天止有——日照臨莫不寧帖

若有兩箇三箇日萬物何以得安杜甫夜歸詩庭前

把燭噴兩炬峽口驚猿聞——蘓軾將官雷勝得遇

字代作詩射殺雪毛狐腰間餘一
又曹溪夜觀傳
燈錄燈花落一僧字上口占不覺燈花落茶毗一僧

澗聲楊萬里過五里逕詩也無一
人催促自愛爭先落
張端叟秦仲納涼詩靜中賞識人知少一山

螢度水來張憲送海一漚詩幻
境萬家蝴蝶夢滄波一野鷗閒

一孔詩仲氏吹簾疏簾以竹為之長尺四寸圍三寸
上出徑三分橫吹之禮記反古之道注謂曉

塗今唯曉一不知今王之新政可從疏孔穴所出處有多
爾雅大麓謂之沂注麓以竹為之長尺四寸圍三寸

作笛為可依十二律作十二笛令一依一律然後乃
上出寸三分名翹橫吹之宋書律志最又問和

以為樂不唐書柳沖傳管仲曰為國之道利出一
者王二孔者疆三孔者弱四孔者亡故冠婚者人道大

倫周漢之官人齊其政一其門使下知禁此出一也

故王魏晉官人尊中正立九品鄉有異政家有競心此
出二孔也故彊江左代北諸姓紛亂不一其要無歸此
出三孔也故弱隋氏官人以吏道治天下人之行不本
鄉黨政煩於上人亂於下此出四孔也故亡淮南子
萬物之總皆閔一百事之根皆出一門鹽鐵論通
一曉一理而不知權衡以所不睹不信人若蟬之不
知雪釋名小山別大山曰巖巖也巖一者巖形
孤出處似之也述異記數過國獻能言龜一頭盛以
青玉匣匣中豁一以通氣淨住子
若平治道去棘刺得佛一一毛相

一束

詩生芻一一其人如玉禮記雜記納幣一一束
五兩兩五尋疏謂昏禮納財幣之時其幣一一謂

十箇也

漢書梅福傳民有上書求見者輒使詣尚書
問其所言言可采取者秩以升斗之祿賜以一一之帛

齊書孔琇之傳補吳令有小兒年十歲偷刈鄰家稻
琇之付獄治罪或諫之琇之曰十歲便能為盜長

大何所不為 南史何思澄傳思澄重交結分書與諸
賓朋校定而終日造謁每宿夕作名一曉便命駕
北史齊文宣帝紀時訛言上黨出聖人帝聞之將徙一
郡而郡人張思進上言殿下生於南宮坊名上黨即是
上黨出聖人帝悅而止先是童謠曰一藁兩頭然河
邊殺毚飛上天藁然兩頭於文為高河邊殺毚為水邊
羊指帝名也又紀少瑜傳嘗夢陸倕以一青鏤管
筆授之云我以此筆猶可用卿自擇其善者其文因此
道進杜甫暮秋枉裴道州手札詩久客多枉友朋書
素書一月凡一一白居易食笋詩物以多為賤兩錢
易一一薛能贈歡娘詩一一龍吟細竹枝青娥擎在
手中吹元好問投書圖詩一一空書不瘠饑浮沉隨
水却相宜

一幅

後漢書符融傳師事少府李膺膺風性高簡每見
融輒絕他賓客聽其言論融幅巾奮袂談辭如雲

注幅巾者以一一為之也唐書選舉志學書日紙
一問習時務策讀國語說文字林三蒼爾雅又劉廙
傳中書舍人宋昱知銓事廙方調因進書曰書稱知人
則哲能官人則惠此唐虞以為難今文部始掄材終授
位是知人官人兩任其責昔禹稷皋陶之聖猶曰載采
有九德考績以九載今有司獨委一二小宰察言於一
一之判觀行於一揖之內何其易哉淮南子數立三
十幅各盡其力不得相害使一一獨入眾幅皆棄豈能
致千里哉徐贲迴文詩飛書一一錦文迴恨寫深情
寄雁來鍾謨代京妓越實答徐鉉詩一一輕綃寄海
濱越姑長感昔時恩蘓軾過建昌李野夫公擇故居
詩遙想他年歸解組中一一陸游乍晴風日已和泛
舟至扶桑埭詩接羅一一烟霧薄舴艋一一鳬鷺輕
李俊民跋魯直帖詩雞毛不擇三錢筆蠶尾揮成一
書元好問胡壽之待月軒詩一一清風竹寫生月華
霜白紙如水吳澄貢院校文用張仲美韻詩與君共

此談心事弊帚千金一戕揭後斯楚山秋晚詩一
秋光舒復卷誰教塵土浣人衣吳師道赤壁圖詩

風火千年消伯氣江山一挂清愁又江山秋色圖
詩江南何處景一淡含暉史學默翁溪山橫幅詩

短草疎林秋一一典型人物記當年倪瓚
雨晴詩織成一一驚鵲錦零落紅衣遠恨多

一帖唐書選舉志博士考試讀者千言試一一帖三言
講者二千言問大義一條白居易間微之江陵

卧病以大通中散碧腴垂雲膏寄之因題四韻詩已題
一一紅消散又封一合碧雲英蘓軾元祐六年六月

自杭州召還汶公館我於東堂閱舊詩卷次諸
公韻詩鬢鬚白盡成何事一一空存老遂良

一簇杜甫江畔獨步尋花詩桃花一一開無主不愛深
紅愛淺紅杜荀鶴題嶽麓寺詩一一楚江山江

山勝此難徐鉉和賈員外戲見贈玉蕊花栽詩瓊瑤
一一帶花來便刷蒼苔手自栽劉子翬江上詩北風

三日無人渡寂寞沙頭紅樓壓女牆許月卿春日閒

兩行碧柳籠官渡一紅樓壓女牆許月卿春日閒

賦詩數行竹樹鳴春雨一人家帶晚煙元淮郊行

詩城東一野人家門枕清沅帶淺沙許有壬夜次

館陶詩煙村漁火微茫外一縣南遷一館陶貢師泰

送東沅葉縣尹詩江沅東下縣南遷一館陶貢師泰

塘隱者樓天然畫出武陵溪林

一陣裴說聞砧詩一霜風殺柳條濃煙半夜成黃葉

木簇禪堂韓偓無題詩昨夜三更雨臨明一寒

黃庭堅扶胥詩一東風掃暄靈天容海色豁然開

楊萬里秋夜詩無端一秋聲起喚作銅餅蟹眼明

又三月三日雨作遣悶詩不如卧聽春山雨一繁聲

一疎戴曷歸途過銅官山詩鳴禽無數聲相應一

微風野菊香惠洪廬山雜興詩一西風雨中過

數聲笑語嶺頭聞
夕陽還在水邊明
許有壬即事詩
幾家門繫釣魚船

首一風香燎麥煙
葉顯江路梅香詩
吟翁馬上頻回首
一東風暗斷魂
楊維禎明皇按樂圖詩
沈香亭

前花萼下天街
催花雨
張昱春日詩
一春風
一寒芭蕉長過石闌干
劉敏中點絳脣詞
短夢驚

回北窗
芭蕉雨
又宋史盧斌傳
既克涿州令斌
以萬人戍守會食盡
大兵將還斌因懇言
涿州深在北

境外無援兵
內無資糧
丁籍殘失守之無利
今若還
師必須結陣而去
以一之役比於固守
其利百矣

一張
禮記雜記
張而不弛文武弗能也
弛而不張文武
弗為也
一弛文武之道也
王榮耀德不觀

兵賦得允文允武之體
臻一弛之要
又宋書陶
潛傳
潛不解音聲而蓄素琴
一無絃
每有酒適輒撫

弄以寄其意
元稹薔薇架詩
五色階前架
一籠上
被白居易閒居偶吟竹間琴
一池上酒一壺
又

秋池獨泛詩一隻短舫艇——斑鹿皮又東院詩淨
名居士經三卷榮啓先生琴——劉禹錫罷郡歸洛
陽閒居詩花間數杯酒月下——琴裴說懷素臺歌
爭得青天化為——紙高聲喚起懷素書徐積宿山
館詩手弄——琴似鐵匣藏三尺劍如冰耶律楚材
過燕京和陳秀玉韻詩幾快殘編聊映眼——衲被且
頭象

一緒

晉書陸機傳論千條析理則電拆霜開——連文
則珠流璧合齊書顧憲之傳一人被攝十人相

追——裁萌千孽互起蠶事弛而農業廢賤取庸而貴
舉責應公贍私日不暇給欲無為非其可得乎北史
李幼廣傳還瀛州長史齊神武行經冀部總合河北六
州文籍商榷戶口增損親自部分多在馬上徵責文簿
指影取備事非——幼廣應機立成恒
先期會為諸州準的神武深加慰勉

一秉

左傳令尹使視郤氏則有甲焉遂令攻郤氏且燕之國人弗燕令曰不燕郤氏與之同罪或取一編

菅焉或取一禾焉國人投之遂弗燕也令尹炮之盡滅郤氏之族實註秉把也禾藁也疏說文云禾莖也

是為藁也或取一片苦或取一把藁言民不肯燕之

一封

漢書平帝紀徵天下通知逸經古記天文歷算鍾律小學史篇方術本草及以五經論語孝經爾雅

教授者在所為駕一軺傳註以一馬駕軺車而乘傳又西域傳大月氏土地風氣物類所有民俗錢貨與

安息同出一索駝註脊上有封言其隆高若封土也宋史宋庠傳臣聞事切於用者不可以文陳

臣所論件目繁碎要待刀筆吏委曲可曉臣已便俗言之輒別上擇將畜財一乞下樞密院三司裁判之

王昌齡別李浦之京詩小弟鄰莊尚漁獵一朝奏九重行帝韓愈左遷至藍關示姪孫湘詩一朝奏九重

天夕貶潮陽路八千 白居易謝李郎中寄新蜀茶詩
紅紙——書後信綠牙十片火前春 李沆醺詞——

紅篆書為奏塵寰事 又漢書
刑法志——三百一十六里

一串

唐書陸贄傳壽州刺史張鑑有重名贄往見語三
日奇之請為忘年交既行餉錢百萬曰請為母夫

人一日費贄不納止受茶——曰敢不承公之賜元
史世祖紀以從世祖狩杭海功賜諸王呼喇珠金五十

兩珠—— 白居易于駙馬詩何郎小妓歌喉好嚴老
呼為——珠 范成大妙喜泉詩法門泉味知多少水

桶繩頭——穿 李俊民橙
數珠詩——秋香得洞庭

一匹

凡同詩維禹甸之疏左傳服註引司馬法云四邑
為丘有戎馬——牛三頭是曰匹馬丘牛 史記

天官書長庚如——布著天此星見兵起 漢書武帝
紀元封六年賜天下貧民布帛人—— 後漢書章帝

紀元和二年五月令天下大酺五日賜公卿已下錢帛
各有差及洛陽人當酺者布戶一城外三戶共一
宋史食貨志言者論西蜀折科之弊其畧謂西蜀初
稅錢三百折絹一一草十圓計錢二十今本路絹不用
本色足折草百五十圓圓估錢百五十稅錢三百輪至
二十三千東蜀如之仍移新邊謂之遠倉民破產者衆
水經注建武十三年未貴侯張余上金馬一一高二
尺餘形制甚精杜甫題壁畫馬歌一一斲草一一嘶
坐看千里當霜蹄李白秋浦歌水如一一練此地即
平天白居易春深詩齊桡爭渡處一一錦標斜又
山陰道樂府五十匹纈易一一纈去馬來無了日王
建織錦曲一一千金亦不賣限日未成宮裏怪孫元
宴姚察詩却歸掌選清何甚一一花練不肯收李賀
南園詩誰遣虞卿裁道懷輕綃一一染朝霞羅虬比
紅兒詩莫言一一追風馬天驥牽來也不看梅堯臣
和楚北田同曾子固陸子履觀余堂前石榴花詩堂下

一 鄭虔馬欄邊兩株安石榴 陳深題唐園人調馬
圖詩飛龍天廡隘雲稠 一 驕馳掣電流 張昱織錦

詞作雙紫燕對銜春

一 錦成過半月

一 羣

詩誰謂爾無羊三百維羣箋誰謂女無羊今乃三
百頭為 一 晉書裨離國傳裨離國在肅慎西

北馬行可二百日領戶二萬養雲國去裨離馬行又五
十日領戶二萬寇莫汗國去養雲國又百日行領戶五

萬餘 一 國去莫汗又百五十日計去肅慎五萬餘里
其風俗土壤並未詳 宋史兵志治平二年詔院坊監

馬之病不堪估賣者送淇水第一監別為 一 以牧養
之 庾信奉答賜酒詩野人相就飲山鳥 一 驚江

總別南海賓花侯詩驚驚 一 起哀猿數處愁 杜甫
得房公池鵲詩房相西亭鵲 一 眠沙泛浦白於雲

熊孺登清溪村居詩家占溪南千箇竹地臨湖上 一
山 李羣玉紫極宮齋後詩 一 白鶴高飛上唯有松

風吹石壇 馬逢從軍詩漢馬千蹄合——單于鼓角
隔山聞 李山甫曲江詩千隊國城輕似雪——公子

醉如泥

一副 周必大遊玉女潭及諸巖洞錄乾道丁亥閏七月
丙寅朔甲午拂旦同邵方遠出南門過王廷修道

人家獻石募子——
張公洞泥所造也

一料 宋史河渠志帝知雍丘等縣淤田清水頌害民田
詔提舉常平官視民耕地蠲稅——國老談苑

祥符中議營昭應宮計其工十五年而成丁謂總領
其事以夜繼晝每繪——給燭二條踰七年而就

一繚 唐書元宗貴妃楊氏傳天寶九載妃復得譴還外
第國忠謀於吉溫溫因見帝曰婦人過忤當死然

何惜宮中一席廣為鉄鎖地更使外辱乎帝感動輟食
詔中人張韜光賜之妃因韜光謝帝曰妾有罪當萬誅

然膚髮外皆上所賜今且死無以報引刀斷髮奏之曰以此留訣帝見駭悅遽詔入禮遇如初

一座

汪循遊西梁山記背山而下逾強半有尼菴

一具

漢書霍光傳賜金錢繒絮繡被百領衣五十篋璧珠璣玉衣梓官便房黃腸題奏各一後漢書

鄧皇后紀

賜馮貴人王赤綬以未有頭上步搖環珮加

纁束帛儼皮鄭元註云束帛以儀注以虎皮二太元中公主納徵以虎豹皮各一豈謂婚禮不辨王公之序

故取虎豹皮以尊革其事乎齊書周山圖傳永明元年卒年六十四詔賜朝服一一衣一襲宋史刑法志

雍熙元年令諸州十日一因帳及所犯罪名繫禁日數以聞俾刑部專意糾舉

一搭

盧仝月蝕詩推環破壁眼者盡當天一一如煤炰

一積

五代史官官傳莊宗置酒庫中酒酣使子繼岌為

積呼繼岌小字以語承業曰和哥之錢可與錢一何

用帶馬為也

承業謝曰國家錢非臣所得私也莊宗顧

元行欽曰取劍來承業起持莊宗衣而泣曰臣受先王

顧託之命誓雪國家之讐

今日為王惜庫物而死死不

愧於先王矣太后聞之使召莊宗莊宗性至孝聞太后

召甚懼乃酌兩卮謝承業曰

吾杯酒之失且得罪太后

願公飲此為吾分過承業不肯飲

一窠

文昌雜錄李冠卿說楊州所居堂前杏一極大

花多而不實有一媒娖笑曰

來春與嫁了此杏冬

深忽攜酒一尊來云是婚家撞門酒索處子裙一腰繫

杏上奠酒辭祝再三來春此杏

結子無數杜光庭東

西女學洞記東女學山前有神雕一常護洞門人或

侵犯者神雕擊之立致殞斃

蘓渙變律詩毒蜂成

一高挂惡木枝 白居易新樂府爲捐乳燕一一覆鳥
啄母雞雙眼枯 王建宮詞勅贈一一紅躑躅謝恩未

了奏花開 唐求贈行如上人
詩衲補雲千片香燒印一一

一引 宋史食貨志四川諸州去總所遠者千數百里期
限已逼受給之際吏復爲姦于是商賈不行民皆

嗟怨一一之直僅售百錢 元史世祖紀庚子詔依舊
制凡鹽一一四百斤價銀十兩以折今鈔百二十貫商

上都者六十而稅
一增契本爲三錢

一圜 齊東野語蔡京以太師魯公賜第京師朔望一
日上問京卿曩居杭識推官吳侔乎今以大臣薦

欲除官對曰識之其人傲很無上上驚曰何以知之曰
吾知陛下御諱而不肯改乃以一一圓之蓋言侔字也

上默然不懌未幾言者承
風旨論罷自是不復出

一就

禮記大路繁纓一先路三就次路五就周

一徧

林下清錄徐廣年過八十猶歲讀五經一戴叔倫聽韓使君美人歌詩仙人此夜忽凌波更唱

一歌

一疊

羣碎錄角十二聲為一歎息江花江草無終極胡

一出

後漢書蔡邕傳見一勇下

一倫

太元經昆於市井同一一也

一梁

漢書枚乘傳單極之統註西方名屋梁為極單一也一一為井鹿盧也後漢書明帝紀註漢官儀

曰天子冠通天諸侯王冠遠遊三公諸侯冠進賢三梁卿大夫尚書二千石博士冠兩梁二千石以下至小吏

冠——齊書輿服志進賢冠諸開國公侯鄉亭侯卿

大夫尚書關內侯二千石博士中書郎丞郎秘書監丞

郎太子中舍人洗馬舍人諸府長史卿尹丞下至六

百石令長小吏以三梁二梁——為差事見晉令

一領晉書符堅載記見一袍下韓非子初見秦篇不

雪中詩兩重褐綺

衾——花茸毳

一襲史記叔孫通傳廼賜叔孫通帛二十疋衣——拜

——一稱也猶今言一副也齊書周山圖傳見一具

下唐書楊復恭傳帝嘗曰我見故事尚衣上御服日

——太常新曲曰

一解今可禁止

一團岑參衛節度赤驃馬歌君家赤驃画不得——旋

風桃花色戎昱閨春宴花溪嚴侍御莊詩——

青翠色云是子陵家白居易能無愧詩——香絮枕
倚坐穩於人王建宮詞後宮宮女無多少畫向園中

笑——溫庭筠詩未有長
錢求鄴錦且令裁取——嬌

一行音抗春秋序小事簡牘而已疏簡之所容——字
耳牘乃方版版廣三簡可以並容數行凡為書字

有多有少——可盡者書之於簡數行可盡者書之於
方方所不容者乃書於策左傳鄭伯使卒出殯行出

犬難以詛射穎考叔者疏一卒之內已用一殯——之
間或用雞或用犬重呪詛之雞犬者或雞或犬非雞犬

並用何則盟詛例用一牲不用二也五代史張居翰
傳魏王破蜀王衍朝京師行至秦川而明宗軍變於魏

莊宗東征慮衍有變遣人馳詔魏王殺之詔書已印畫
而居翰發視之詔書言誅衍——居翰以為殺降不祥

乃以詔傳柱指去行字改為一家時蜀降人與衍俱東
者千餘人皆獲免宋史與服志山龍以下每章——

重以為等每行十二白紗中單黼領青褱裙蔽膝加
龍山火三章又儀衛志真宗咸平五年詔南郊引駕
官中書樞院一在東親王一在西餘依官次又
符彥卿傳及帝親征命為行營一在都部署兼知太原
行府事領步騎二萬進討貴耳錄晉王衍口不言錢
強名阿堵俗言元底律貪之謂也古語云少則樂無則
憂多則累又曰牢收長物金三品密寫虛名墨一
何遜懷郡中遊聚詩欲寄一一書何解三秋意杜甫
絕句兩箇黃鸝鳴翠柳一一白鷺上青天又寄高詹
事詩相看過半百不寄一一書令狐楚九日言懷詩
晚色霞千片秋聲雁一一白居易江樓晚眺詩風翻
白浪花千片雁點青天字一一劉魚貽諸學童詩五
箇小雛離學院一一新雁入貧居李商隱關門柳詩
永定河邊一一柳依依長發故年春錢珙江行無題
詩俱是南來客憐君綴一一吳融雪詩夜迷三統鵲
畫斷一一鴻孫魴楊柳枝詞何以曉來江雨後一一

如畫隔遙津 晁補之題郭熙平遠詩欲指吳松何處
是——征雁海山頭 楊萬里晚登子城詩寒溪半灣
落遠樹——疎 王特起喜遷鶯詞數疊悲笳——征
旂城郭幾番成毀 又本音晉書嵇康傳聞道士遺言
餌朮黃精令人久壽意甚信之游山澤觀魚鳥心甚樂
之——作史此事便廢 唐書李靖傳吐谷渾寇邊帝
謂侍臣曰靖能復起為帥乎靖往見房元齡曰吾雖老
尚堪——帝喜以為西海道行軍大總管 張籍酬杭
州白使君兼寄浙東元大夫詩——已作千年別兩處
空傳七字詩 司空圖寄王贊學詩——萬里纖塵靜
可要張儀更入秦 又去聲漢書東方朔傳贊朔名過
實者以其恢達多端不名——應諧似優不窮似智正
諫似直穢德似隱非夷齊而是柳下惠戒其子以上容
首陽為拙柱下為工飽食安步以仕易農依隱玩世詭
時不逢其滑稽之雄乎 酉陽雜俎僧——博覽
無不知尤善於數鈞深藏往當時學者莫能測

一向

宋書鮮卑吐谷渾傳渾曰今以馬致別殆天所啓諸君試擁馬令東馬若還東我當相隨去樓即使

所從二千騎共遮馬令回不盈三百步歟然悲鳴突走聲若頽山如是者十餘輩一一遠樓力屈又跪曰可

寒此非復人事

元史河源附錄河水北行轉西流過

崑崙北

一一東北流約行半月至貴德州地名博勒齊爾

始有州治官府州隸吐蕃等處宣慰司司治河州隋

衆經目錄

一一出生菩薩經大隋開皇年岨多譯戴

叔倫

又酬曉燈暗離室詩一一簷下聲遠來愁處滴

元淮邨行詩橋因春水三番斷柳礙東風一一斜

一偏

宋史河渠志梁燾言朝廷治河東流北流本無一

可緩北流方悍邊西之州縣日夕可憂其備宜急又

劉述傳安石任一一之見政立新議以害天下大公

又陳亮傳陛下屬志復讐足以對天命篤於仁愛足以

結民心而又明足以照臨羣臣一一之論此百代之英

主也

一隙

宋史陳亮傳——之地本不足以容萬乘而鎮壓且五十年山川之氣蓋亦發泄而無餘矣樊獻

科遊大佛山記余以中秋爽氣邀比部平君與朱二大夫飲於大佛山之巔中為開元寺建宋景祐間寺趾湫隘顧四山如抱石勢嵒呀藤蘿森翠僅西——通人境宜隱者居也王士性嵩遊記洞在石乳行山間汗沾背濕入洞則寒冽粟起不可禁傍——不測其底僧云昔火龍占居之以達磨至從此中去也

一罇

范成大初入巫峽詩卓午三竿日中間——天

一匝

後漢書馮異傳異因渡河擊鮪鮪走異追至洛陽環城——而歸宋書厯志冲之通同與會周相

覺九千四十其陰陽七十九周有奇遲疾不及——此則當縮反盈應損更益宋史輿服志仁宗景祐三年

少府監言得篆文官王文盛狀在京三司糧料院頻有
人偽造印記印成旁歷盜請官物欲乞鑄造圓印三面
每面闊二寸五分於外一一先篆年號及糧料院名計
十二字次一一篆寅印十二辰亦十二字中心篆正字
上連印鈕鑄成轉關以機穴定之用時逐月分對年終
轉速十二月自寅至丑終始使用所有轉關正字次月
轉定之時令本院官封押選差人行使其印遇改年號
即令別鑄詔三司定奪以聞歲華紀麗二月八日達
城遊一一之行在家守八關之戒謝絳遊嵩山神清
洞書大凡出東門極東而南自長夏門入繞崧輟一一
四百里可謂窮極勝覽矣

一次

宋史選舉志建炎八年以平江府四經巡幸其得
解舉人援臨安建康駐蹕例各免文解一一又淳

熙六年詔特奏名自今三名取一實第四等以前餘並
入第五等其末等納敷者止許一一潛藩及五路舊升

甲者今但升名其後又許納款三次為定制焉李元陽白崖畢鉢羅窟志巖壁上有獨木橋十餘所大木如指長三尺或五六尺熾險不敢著足樵子僇疾者履之而過亦不損折其木非常見之材每月十五夜換橋一

橋製更新無復舊木矣

一切

春秋左氏傳序史之所記必表年以首事年有四時故錯舉以為所記之名也疏四時之內一萬

物生植孕育盡在其中春秋之書無物不包無物不記與四時義同故謂此書為春秋史記荆燕世家乃屏

人說張卿曰臣觀諸侯王邸第百餘皆高祖一一功臣註索隱曰此一一猶一例同時也非如他一一訓權時

也又范曄蔡澤傳贊范曄蔡澤世所謂一一辯士又李斯傳秦宗室大臣皆言秦王曰諸侯人來事秦者

大抵為其主游間於秦耳請一一逐客李斯議亦在逐中又太史公自序酷吏列傳贊善人不能化唯一一

欽定四庫全書

御定駢字類編

卷八十三

三十三

嚴削為能齊之漢書平帝紀更在位二百石以上
滿秩如真註一者權時之事非經常也猶如以刀
切物苟取整齊不顧長短縱橫故言一又路溫舒
傳嬪為一後漢書王霸傳蘓茂客兵遠來糧食不
足故數挑戰以微一之勝宋書孝武帝紀大明七
年十二月甲寅大赦天下南豫州別署敕繫長徒一
原散其兵期考襲譴戍悉停歷陽郡女子百戶牛酒高
年孤疾賜帛十足蠲郡租十年又訶羅陀國傳無憂
天主愍念羣生安樂民人律儀清淨慈心深廣正法治
化共養三寶名稱遠至一一並聞唐書高郢傳夫廟
猶不越禮而立況寺非宗祏所安神靈所宅乎殫萬人
之力邀一之報其為不可亦明矣元史世祖紀戊
辰詔天下獄囚除殺人者待報其餘一疎放限以八
月內自至大都如期而至者皆赦之般若波羅蜜多
心經觀自在菩薩行深般若波羅密多時照見五蘊皆
空度一一苦厄法集經善男子何者是菩薩摩訶薩

十 | 一 | 八 | 所謂地 | 一 | 一 | 八 | 水 | 一 | 一 | 八 | 火 | 一 | 一 | 八 | 風 | 一 | 一 |

八 | 虛空 | 一 | 一 | 八 | 青 | 一 | 一 | 八 | 黃 | 一 | 一 | 八 | 赤 | 一 | 一 | 八 | 白 | 一 | 一 |

是名十 | 一 | 一 |

一般

隋唐嘉話崔湜之為中書令河東公張嘉貞為舍人湜輕之常呼為張底後會商量數事意皆出人

右湜驚羨久之謂同官曰知無張底乃我輩 | 一 | 人此終是其坐處湜死十餘載河東公竟為中書焉 | 司空

曙過長林湖西酒家詩湖草青青三兩家門前桃杏 | 一 | 花 | 李咸用贈陳望堯詩鵲箭親疎雖異的桂花高

下 | 一 | 香 | 鄭谷京兆府試殘月如新月詩榮落何相似初終却 | 一 | 司空圖看杏花詩白衫裁袖本教寬

朱紫由來亦 | 一 | 杜荀鶴鷓鴣詩 | 一 | 毛羽結羣飛兩岸煙汀好景時 | 陸龜蒙和襲美贈洛陽潤卿將歸

雷平詩朝市山林隱 | 一 | 却歸那減卧雲懽 | 趙抃和沈太博小圃偶作詩園裏芳菲樓上客 | 一 | 情緒怕春

寒 薛季宣筠鄉入夏野花方折詩墻匝叢叢繡舞茵

一 顏面各精神 元好問杏花詩 一 疎影黃昏月

獨愛寒梅恐未平 楊允孚灤京雜詠萬古龍門鎮兩

京懸崖飛瀑 一 清 又却怪西風渾不顧 一 吹送

滿頭霜 余闕南歸偶書詩因向

春風折楊柳 一 離別兩般情

一 籌 喬宇遊嵩山記至白鶴觀去山絕頂尚二三里

君采素清臞至觀前已疲甚不能絕頂予歸顧而

笑曰若輸

我 一 矣

一 統 春秋隱公元年春王正月 疏史官定策須有 一

正月即稱元也 公羊傳何言乎正月大 一 也 疏所

以書正月者王者受命制正月以統天下令萬物無不

一一皆奉之以為始故言大 一 也 史記秦始皇紀

今陛下興義兵誅殘賊平定天下海內為郡縣法令由

一貫者論語子曰參乎吾道一以之疏吾道一以之
以統天下萬事之理也漢書武帝紀元狩四年初算
緡錢註緡絲也以貫錢也一十錢書算二十也宋
書禮志弘化正俗存乎禮教輔性成德必資於學先王
所以陶鑄天下津梁萬物開邪納善潛被於日用者也

一貫者論語子曰參乎吾道一以之疏吾道一以之
以統天下萬事之理也漢書武帝紀元狩四年初算
緡錢註緡絲也以貫錢也一十錢書算二十也宋
書禮志弘化正俗存乎禮教輔性成德必資於學先王
所以陶鑄天下津梁萬物開邪納善潛被於日用者也

聖製過王濟墓應制詩牛斗三分國龍驤一一年
賦大一一而無外萬至和於八垠張說奉和
齊書王融傳三秦大同六漢一一金幼孜皇都大一

華譚傳今四海一萬里同風天下有道莫斯之盛
月表以德若彼用力若此蓋一若斯之難也晉書

神鼎一者一天地萬物所繫終也又秦楚之際
下以為三十六郡又武帝紀有司皆曰聞昔太帝興

賞賜之甚足易制置諸侯不便始皇曰廷尉議是分天
議曰今海內賴陛下神靈一一皆為郡縣諸子功臣重

一自上古以來所未有五帝所不及又廷尉李斯

故能疏通元理窮綜幽微——古今彌綸治化 陳書
周宏正傳夫以廟堂汾水殊途而同歸稷契巢許異名
而——出者稱為元首處者謂之外臣莫不內外相資
表裏成治斯蓋萬代同規百王不易者也 宋史刑法
志乾道六年詔以絹計贓者更增——以四千為一匹
議者又言犯盜以救計錢定罪以律計絹今律以絹定
罪者遞增一千救內以錢定罪亦合例增一千從之
金史章宗紀太和七年七月壬午詔民間交易典質——
——以上並用交鈔毋用錢 呂覽凡智之貴也貴知化
也人主之惑者則不然化未至則不知化已至雖知之
與勿知——也 王羣隨手錄陝西每銅錢——用
鐵錢——三十文可換 曹大家鍼縷賦性通遠而漸
進博庶物而—— 江總營涅槃懺還塗作可否同——
——生死亦一條 李頎雜興詩善惡死生齊——祇應
斗酒任蒼蒼 柳宗元哭連州凌員外司馬詩六學誠
——精義窮發揮 白居易答崔侍郎錢舍人詩窮通

與遠近——無兩端 李咸用修睦上人山居詩靜躁殊途知自識榮枯——亦何爭 柳貫詩七篇賢所訓

攸根——道

一概

詩許人尤之衆穉且狂傳尤過也是乃衆幼穉且狂進取——之義疏論語云狂者進取註云仰法

古例不顧時俗是進取——之義——者一端不曉變通以常禮為防不聽歸唁 又寺人之令傳寺人內小

臣也疏言寺人是在內細小之臣非謂寺人即內小臣之官也巷伯箋云巷伯內小臣奄官上士四人與寺人

之官相近彼言巷伯內小臣巷伯即是內小臣之官此傳言寺人內小臣而知寺人非內小臣之官者毛鄭異

人言非——齊書謝超宗等傳論魏文帝云文人不護細行古今之所同也由自知情深在物無競身名之

外——可蔑既狗斯道其弊彌沅聲裁所加取忤人世唐書韋表微傳尤好春秋病諸儒執——是非紛然

著三傳總列完會經趣又劉宏基等傳贊帝王之將
興其威靈氣燄有以動物悟人者故士有——皆填然
躍而附之宋史王安石傳免役之法據家貲高下各
令出錢僱人充役下至單丁女戶本來無役者亦——
輸錢謂之助役錢潛夫論其輕薄姦軌既陷罪法怨
毒之家冀其辜戮以解畜憤而反——悉蒙赦釋令惡
人高會而誇詆老盜服臧而過門孝子見讐而不得討
遭盜者觀物而不敢取痛莫甚焉屈原九章同糝玉
石兮——
而相量

一例

易乾元亨利貞疏見一象下春秋桓公九年春
冬曹伯使其世子射姑來朝公羊傳諸侯來曰朝

此世子也其言朝何註据臣子——當言聘史記禮
書御史大夫鼂錯數干諫孝景曰諸侯藩輔臣子——
古今之制也今大國專治異政不稟京師恐不可傳後
漢書五行志釐雖慙之庶兄嘗為慙臣臣子——不

得在懸上 元史世祖紀尚書省臣言河
西和羅應僧人豪官富民一行之制可

一類 詩序湛露天子燕諸侯也疏首章直言湛湛露斯
不指所在之物總下章云草木也故下章各言草

木以充之以同姓一故廣舉豐年庶姓非一族之人
喻以異類之木 漢書谷永傳案春秋災異以指象為

言語故在於得一而達之也 呂覽陰陽之和長
一甘露時雨不私一物萬民之主不阿一人 實泉

述書賦虔禮凡草閭閻之風千紙一一字萬同按孫
過庭字虔禮 獨孤授江淮獻三脊茅賦理盡三分似

叶通三之化體皆一欲明得一之靈
歐陽修鳴蟬賦達士所齊萬物一一

一致 易繫辭天下同歸而殊途一一而百慮 左傳陵
人不祥註恃勢凌人與背天等天人一一也 後

漢書仲長統傳論此其分波而共源百慮而一一者也
晉書劉琨傳公受奕世之寵極人臣之位忠允義誠

精感天地實賴遠謀共濟艱難南北迴邀同契一萬里之外心存咫尺公其撫寧華戎致蜀醜類動靜以聞

宋書戴法興等傳論任隔疎情殊塗一權歸近狎異世同規北史文苑傳論雖時運推移質文屢變譬猶六代並奏易俗之用無爽九源競逐一之理同歸

又魏長賢傳皆奮於泥滓自致青雲雖事有萬殊而理終一樞其大要歸乎忠孝而已矣任昉竟陵王

行狀二極一樞其大要歸乎忠孝而已矣任昉竟陵王行狀二極一樞其大要歸乎忠孝而已矣任昉竟陵王

緒一兮夷惠外而齊聲王勃采蓮賦遊泳一悲欣萬緒盧肇海潮賦天地一氣也陰陽一也陸機秋

胡行道雖一塗有萬端江淹詩領畧歸一南

山有綺皓杜甫雨詩佳聲達中宵所望時一

一揆易豫彖疏夫立卦之體各象其時時有屯夷事非或逢治世或遇亂時出處存身此道豈小故曰大矣哉春秋序仲尼因魯策書成文疏前代後代事終一

一 所賞所罰理必相符 後漢書劉陶傳秦之將亡正
諫者誅諛進者賞嘉言結於忠舌國命出於讒口擅閭
樂於咸陽投趙高於軍府權去已而不知威難身而不
顧古今一 成敗同執 齊書高帝紀聲化遠洎荒服
無塵殊類同規華戎一 又王敬則傳西京熾強
實基三輔東都全固實賴三河歷代所同古今一

一處

詩出宿于涕飲餞于漚疏計宿餞當各在一一而
已而此云涕漚下云干言別地者下箋云干言猶

涕漚未聞遠近同異要是衛女所嫁國適衛之道所經
見故思之耳 論語吾豈匏瓜也哉焉能繫而不食注
匏瓜也言匏瓜得繫一者不食故也 吾自食物當東
西南北不得如不食之物繫滯一 南史王弘之傳
性好釣上虞江有一 名三石頭弘之常垂綸於此經
過者不識之或問漁師得魚賣不弘之曰亦自不得得
亦不賣日夕載魚入上虞郭經親故門各以一兩頭置
門內而去 水經注邙水出浮岳山山躡一 則百餘

步動若在水也因名浮岳山白居易獨樹浦雨夜寄李郎中詩忽憶兩家同里巷何曾一一不追隨宋无

二喬卷詩漢宮早有君

王見金屋須教一一開

一節

禮記玉藻凡君召以三節二節以走一一以趨疏節者以玉為之所以明信輔於君命者也君使使

召臣有二節時有一一時故合云三也隨事緩急急則

二節臣故走也緩則一一臣故趨也詩振振公姓傳

公姓公同姓疏言同姓疎於同祖上云公子為最親下

云公族傳云公族公同祖則謂與公同高祖有廟屬之

親此同姓則五服以外故大傳云五世祖免殺同姓是

也大傳註又云外高祖為庶姓是同高祖為一一也此

有公子公族公姓對例為然史記文帝紀太尉以一

一八北軍一呼士皆左袒為劉氏叛諸呂卒以滅之此

乃天授非人力也晉書羅憲等傳論忠為令德貞曰

事君狗國家而竭身歷夷險而一一齊書王思遠傳

臣實庸鄙無足獎進陛下甄拔之旨要是許其一一臣
果不能以自固有乖則哲之明犯冒之尤誅責在已謬
賞之私惟塵聖鑒權其輕重寧守禍心王孝友豐水
賦狗一一而尸祝壯九拜而極言袁宏詩森森千丈
松磊砢非一一高適詠馬鞭詩龍竹養根凡幾年工
人截之為長鞭一一目皆天然李賀竹詩三梁曾
入用一一奉王孫張喬笛詩剪雨裁煙一一秋落梅
楊柳曲中愁王安石送程公闕轉運江西詩江西一
一鑄黃金最慰漳濱父老心楊萬里新除廣東常平
之節感恩書懷詩已愧雙旌古晉陵更堪一一古羊城
謝宗可茶筴詩此君一一

瑩無瑕

夜聽松聲漱玉華

一度

易天行健疏偏說天者萬物壯健皆有哀急唯天
運動日過一一蓋運轉混沒未曾休息故云天行

健詩十月之交傳之交日月之交會疏古歷緯及周
髡皆言天三百六十五度四分度之一日月皆右行於

天日行遲二十九日有餘而月行天一周追及於日而疾日行遲二十九日有餘而月行天一周追及於日而與之會是會之交也宋書天文志序古舊渾象以二分爲一凡周七尺三寸半分張衡更制以四分爲一凡周一丈四尺六寸洛書甄耀度周天三百六十五度四度之一夫一爲千九百三十二里則天地相去六十七萬八千五百里酉陽雜俎天運三千六百周爲陽字地紀推機三百三十轉爲一戎昱別公安賈明府詩把君詩卷西歸去一相思一吟元稹劉阮妻詩仙洞千年一開等閑偷入又偷迴司空圖寓居有感詩黑鬚寄在白鬚生一秋風減幾莖徐夔長安即事詩便隨鶯羽三春化只說蟬聲一還新陳旅元宵懷錢塘詩紅燈幾點東風裏猶是元宵一春仇遠齊天樂詠蟬詞朝朝暮暮奈一淒吟一番淒楚

一段

公羊傳吾與鄭人未有成也註見一箇下唐書

枉百步終身讓畔不失一仁軌常誨子弟曰終身讓路不

都二京三都子虛賦七發皆說一研北雜志漢人喜獵兩

詩散作五般色凝為一一愁杜甫入奏行皎如一一

清冰出萬壑置在迎風寒露之玉壺王昌齡殿前曲

新聲一一高樓月聖主千秋樂未休李羣玉同鄭相

并歌姬小飲戲贈詩裙拖六幅湘江水鬢聳巫山一一

雲黃庭堅十五里沙詩惜無散髮騎鯨友共了南遊

一一奇又戲和舍弟船場探春詩城南一一春如錦

喚取詩人到酒邊范成大詩一一農家好風景稻堆

高出屋山頭曹伯啓遊西湖詩錦雲一一三千頃記

取平生作盛談王惲關山秋霽圖詩一一紫煙吟不

盡枉分秋色與南山黃庚池荷詩池塘一一榮枯事

都被沙鷗冷眼看又秋夜詩一一客愁吟不就無言

背月倚闌干宋无春愁詩千園寂寞無鶯燕一一春

愁是杜鵑 陳旅題扇面詩 一寒香吹不盡西泠殘
月角聲中 柳貫觀書畫古器詩古綃 一寫秋意笑

蓉瀾瀾連茭蘆 顧瑛題文湖州竹詩

一枯梢分三折分明雪後上窗時

一樣

王建宮詞新衫 一殿頭黃銀帶排方獼尾長
章碣長安春日詩六宮羅綺同時泊九陌煙花 一

一飛

陸希聲梅花塢詩知君有意凌寒色羞共千花

一春

陸游詩天垂綠野三邊盡雲與朱闌 一平

江循明妃詩將軍仗鉞妾和番 一承恩出玉關
宋无江南曲并作相思海春來 一深 洪希文無題

詩而今粉暗胭脂冷嬾去翻騰 一著葉題霜
天曉角詩滿江明月清霜冷人與梅花 一愁

一項

貴耳錄史同叔之死天下之人皆曰真直院入朝
天下太平可望及其入朝前譽小減省試主文為

輕薄子作賦曰誤南省之多士真西山之餓夫都下謗
曰若要百錢賤須是真直院及至換得來攪做一鏊麵

如是則聲名自是——事業自是——江南
地土淺薄士大夫只做得——做不得兩項

一狀

容劉長卿登東海龍興寺詩變化非——晴明分衆
權德輿渡揚子江詩支頤見千里煙景非——

一——道潛廬山雜興詩援
毫欲名貌卷縮非——

一劑

唐書高馮傳馮上書言得失辭誠至切帝賜
鍾乳——曰爾進藥石之言朕以藥石相報

一種

詩于以采藻疏陸璣云藻水草也有二種其——
藥如雞蘓莖大如箸長四五尺其——莖大如釵

股葉如蓬蒿謂之聚藻後漢書鄧訓傳訓掩擊迷唐
廬落大豪多所斬獲——殆盡宋書禮志元嘉十年

十二月癸酉太祝令徐閔刺署典宗廟社稷祠祀薦五
牲牛羊豕雞並用雄其——市買由來送雌魏彥深

鷹賦貌非——相乃多途梁簡文帝詠美人觀畫詩
分明淨睂眼——細腰身元稹同醉詩心源——閑

如水同醉櫻桃林下春 又遣行詩八年身世夢 一水風聲 裴交泰長門怨 一蛾眉明月夜南宮歌管

北官愁 司空圖漫書詩 一老人能算度礪溪心跡愧商顏 黃庭堅梅花詩薔薇難比况金沙 一風標

富貴家 范成大晚步西園詩吹開紅紫還吹落 一東風兩樣心 陸游詩紅梅過後到緗梅 一春風不

並開 郝經月丹詩 一腰肢分外妍雙着画作月娟嬈 楊載悼泮妓詩 一花偏富貴三冬無物比妖

娟 王逢萱圖詩暄風宜男花涼日多憂草 一兩含情親客夢中老

一端 詩序緣衣衛莊姜傷已也妾上僭夫人失位而作是詩也疏此言而作是詩及故作是詩皆序作詩

之由不必即其人自作也故清人序云危國亡師之本故作是詩非高克自作也雲漢云百姓見憂故作是詩

非百姓作之也若新臺云國人惡之而作是詩碩人云國人憂之而作是詩即是國人作之各因文勢言之非

得——不得為例也 春秋繁露然則春秋義之大者也
可以知其塞怨 又左傳幣錦二兩註二文為——二
端為一兩所謂匹也 二兩二匹 淮南子——以為冠
詩越穀繚綾織——則戴致之絺則屢履之 元稹陰山道
之以紫霞綺遠贈以詩答之千里 白居易庾順
故人心鄭重——香綺紫氛氤

一章

左傳文公元年閏三月疏正義曰古歷十九年為

龍在田時舍也終日乾乾行事也或躍在淵自試也飛
龍在天上治也亢龍有悔窮之災也乾元用久天下治
也註此——全以人事明之也 詩關雎五章章四句
疏篇之大小隨章多少惟周頌三十一篇及那烈祖元
鳥皆——者以其風雅序人事刺過論功志在匡救
——不盡重章以申殷勤故風雅之篇無——者頌者太

平德洽之歌述成功以告神直言寫志不必殷勤故一
而已詩序東山周公東征也周公東征三年而歸
勞歸士大夫美之故作是詩也一言其完也二章言
其思也三章言其室家之望汝也四章樂男女之得及
時也劉鏐擬孟冬寒氣至詩一意不盡三復情有
餘孟郊送韓愈從軍詩喻橄明百萬心氣定
白居易感懷詩三編讀一句十回吟又酬張太
祝晚秋卧病見寄詩錦繡段八韻瓊瑤音又病
中辱崔宣城長句見寄兼有餽綺之贈詩三道舊誇收
片玉新喜獲雙金許渾十二月拜起居表回詩
西奏拜仙曹回馬天津北望勞又元史輿服志
唐制天子衮冕垂白珠十有二旒以組為纓色如其綬
難續充耳玉簪導元衣纁裳凡十二章八章在衣日月
辰山龍華蟲火宗彝四章在裳藻米黼黻襍領為升龍
皆織成之龍章以下每章一行每行十二白紵中單黼
黻青裸襕裾黻加龍山火三章義冕以上火山二章繡

冕山 11
元冕無章

一會

詩四國有王郇伯勞之傳諸侯有事二伯述職疏昭五年左傳云小有述職大有巡功服虔云諸侯

適天子曰述職謂六年 11 王官之命事考績述職之事也

春秋隱公三年二月日有食之命事考績述職之事也

于天而各有道積二十九月過半行道交錯而相與會集以其 11 謂之一月 左傳宋公使邾文公用鄆子

于次睢之社欲以屬東夷司馬子魚曰齊桓公存三亡國以屬諸侯義士猶曰薄德今 11 而虐二國之君又

用諸淫昏之鬼將以求霸不亦難乎 後漢書郭太傳黃允字子艾濟陰人也以雋才知名林宗見而謂曰卿

有絕人之才足成偉器然恐守道不篤將失之矣後司徒袁隗欲為從女求婚見允而歎曰得婿如是足矣允

聞而默遣其妻夏侯氏婦謂姑曰今當見棄方與黃氏長辭乞 11 親屬以展離訣之情於是大集賓客三百

餘人婦中坐攘袂數允隱匿穢惡十五事言畢登車而去允以此廢於世通鑑郭子儀入朝上命元載王縉魚朝恩等互置酒於其第——之費至十萬緡黃庭內景經可用存思登虛空殊途——歸要終孫楚反金人銘二者言異歸於——白居易贈別崔五詩——不易得餘事何足云

一聚

春秋桓公七年焚咸丘疏正義曰不言蒐狩者以火田非蒐狩之法故直書其焚以譏其盡物也禮

記王制云昆蟲未蟄不以火田則是已蟄得火田也又爾雅釋天云火田為狩似法得火田而譏其焚者釋爾雅者李巡孫炎皆云放火燒草守其下風周禮羅氏云蜡則作羅縵鄭云縵細密之羅此時蟄者畢矣可以羅罔圓取禽也今俗放火張羅其遺教然則彼火田者直焚其一叢——羅守下風非謂焚其一澤也禮諸侯不掩羣尚不盡取一羣豈容并焚一澤知其譏盡物故書也宋書天文志建安二十二年四星又聚二十五年

而魏文受禪此為四星三聚而易行矣蜀臣亦引後聚
為劉備之應按太元十九年義熙三年九月四星各一
一而宋有天下與魏同也白居易逍遙詠此身何足
厭一虛空塵胡曾鉅橋詩武王兵起無人敵遂作
商郊一一灰張元幹詩白衣蒼狗變浮雲千古功名
一一塵王逢舟過吳門感懷詩一一劫灰私屬盡三
邊陰雨
國殤號

一息

左傳見一消下 穀梁傳慶封曰子一一我亦且
一言 關尹子習射習御習琴習奕終無一事可

以一一得者惟道無形無方故可得之於一一又惟
聖人能斂萬有於一一無有一物可役吾之明徹散一
一於萬有無有一物可閻吾之云為 金丹元學正宗
大有大閻閻小有小閻閻一一之閻閻即一刻之閻閻
一刻之閻閻即一時之閻閻一時之閻閻即一日之閻
閻一日之閻閻即一月之閻閻一月之閻閻即一年之

閩闕以至一世之閩闕一元之閩闕其一理也賈誼
惜誓攀北極而一兮吸沆瀣以充虛鮑照傷逝賦
彼一之短景乃累恨之長暉謝莊悅曲池賦引一
一於魂內擾百緒於眼前梁武帝孝思賦無一一而
緩念與四時而長切辛常伯軍中行路難樂府長驅
一一背銅梁直指三危登劍閣王維贈李頎詩文螭
從赤豹萬里方一一劉禹錫桃源行翻然恐失鄉縣
處一一不肯桃源住楊衡經端溪峽中詩逍遙一一
閩糞土
五侯榮

一番

詩射夫既同疏此射夫皆已射一一若中得禽者
既同復將射之位欲更射以求禽也史記倉公

傳切其脉得番陽番陽得虛裏處旦日死一一絡者

牡症也

唐書王銘傳全忠攻銘次元氏銘謂其屬曰

國危矣奈何周式請見全忠可以口舌罷也許之全忠
迎折曰爾公朋附太原今無赦矣即出書示式曰嗣昭

在者宜速遣式曰王公所與和者息人鋒鏑間耳况繼
奉天子詔和鮮能無一一紙墜此路乎太原與趙本無
恩嗣昭庸肯入耶公為唐桓文方以仁義成霸業寧困
人於險耶全忠喜把式袂曰吾特戲耳延入帳中議修
好宋史食貨志役率以二年為一一向來尚許一戶
歇役不及三番則令催募是欲百姓空閑六年今忽減
作二年幸六色錢足用有餘正可加添番數而乃減番
添役農民皆紛然妄謂朝廷移此錢他之聞見近錄
呂文靖罷相孔中丞道輔以直亮自任無所忌避一日
臺獄事連文靖子即攝付吏及文靖復相凡國事無所
建明悉取上旨既累月仁宗曰呂夷簡今回作相並不
主事文靖遽言臣前日為朝廷不避仇怨身當國事臣
方罷去而諸子即坐臺獄臣死望朝廷眷顧子孫必無
也臣是以不敢當事上悅首曰但勉之文靖再拜遂留
身出紙一一皆進退人物上悉可內外遷徙數日間凡
數十人皆文靖平日所厚一時桃李之盛本朝無比

徐凝詠花詩——弄色——退小婦輕妝大婦愁陸

龜蒙詩幾點社翁雨——花信風羅隱寄程尊師詩

三秀紫芝勞夢寐——紅槿恨朝晡蘇軾戲贈詩惆

悵沙河十里春——花老——新又席上代人贈別

詩淚眼無窮似梅雨——句了——多楊萬里初夏

詩不知明早添多少日暮閑來數——又題劉伯山

蕃殖圖詩說似田家早收拾——風雨——又題劉伯山

周子充舍人叙懷詩三年再謁——逢兩舍相望幾飢

通耶律楚材題西菴所藏佛牙詩——頂戴因初帶

七轉生天果不差陳樵山水詩侵曉——風雨過滿

洲流出碧桃花劉秉忠乾荷葉詞

減清香越添黃都因昨夜——霜

一色詩有女如玉幾云如玉者取其堅而潔白疏弁師

云五彩玉則非——獨以白玉比之者比其堅而

潔白不可污以無禮漢書梅福傳——成體謂之醇

白黑雜合謂之駁現寶藏經大德貢菩提如須彌山

王光所照處悉同一所謂金色明一一統志一一亭
在南昌府城洪橋門外一庾信華林園馬射賦序落花
與芝蓋同飛楊柳共春旗一王勃滕王閣序落霞
與孤鶩齊飛秋水共長天一色一高似孫水仙花賦一
復一如磨萬波不顛謝朓詠兔絲詩爛漫已萬條連綿
蓮曲一又鬪雞詩百花非一新田多異流王昌齡采
蓮曲荷葉羅裙一裁芙蓉向臉兩邊開一權德輿秋
閨月詩此時愁望知何極萬里秋天同一劉禹錫
蒙池詩風起不成文月來同一盧仝蜻蜒歌黃河
中流日影斜水天一無津涯孟郊遊華山雲臺觀
詩山書五色石水無一泉李商隱偶成詩沛國東
風吹大澤蒲香柳碧春一張宣明孤松詩青青恒
一落非一朝一蘇軾送蜀人張師厚赴殿試詩一
杏花三十里新郎君去馬如飛又牛口見月詩山
川同一浩如涉大荒孔武仲題介之小閣詩秋水

暮長天——渚鷗沙雁或雙飛 朱松太康道中詩——

春勻萬樹紅坐愁吹作雪漫空 范成大秋日田園

雜興詩身外水天銀——城中有此月明無 朱子入

瑞巖道間詩清溪流過碧山頭空水澄鮮——秋 楊

萬里過摩舍那灘阻雨詩隔岸數峰如筆格荷天——

染青藍 方岳雪後詩籬落十分春意思人家——玉

閣干 趙秉文重陽後雪詩——乾坤還太素萬家樓

閣化清都 元好問雪巖詩貞松勁柏四時春霽月光

風——新 張建雜詩踏雪尋梅花雪梅同——王

憚題韓幹畫照夜白圖詩纓綬騶衣——紅玉華光照

苑門空 又董侯承旨扈從北迴遇於榆林酒間因及

今秋大獮之盛詩今年較獵饒常歲——天狼四十頭

千鬟 虞集子昂秋山圖詩世外空青秋——窗中遠黛曉

又洪厓橋詩澄江如練碧悠悠——蘆花覆遠

洲 劉因西郊詩偶因訪客出西城——寒蕪滿意平

陳樵玉雪亭詩梨雲柳絮共微茫春入園林——芳

張昱小遊仙詩信回青鳥無尋處——春風是絳桃
戴表元過姑蘓詩——好風三百里挂帆安坐過姑

蘓

王逢古宮怨萬年枝上月團圓——珠衣立露寒
陳基福山港寄省院張思廉陳惟允諸友詩美人宴

罷芙蓉署——

銀花翠壓枝余闕題紅梅翠竹圖詩

竹葉梅花——

春盈盈翠袖掩丹脣顧瑛天寶宮詞

號國來朝不動塵障泥——

繡麒麟王特

起喜遷鶯詞形車載花——

醉盡碧挑清讌

一采

後漢書輿服志四百石三百石二百石黃綬淳黃
圭——長丈五尺六十首周祗杞賦四序——

冬素華

一帶

宋史天文志紹興三十年正月壬申東北方赤氣
——五處如火影又河渠志孝宗乾道九年錢

塘子灣——石岸復毀於怒潮詔令臨安府築填江岸
增砌石塘又李綱傳荆湖國之上流其地數千里諸

葛亮謂之用武之國今朝廷保有東南控馭西北如鼎
澧嶽鄂若荆南一皆當屯宿重兵倚為形勢使四川
之號令可通而襄漢之聲援可接元史世祖紀修燕
京舊城命平章政事趙璧左三部尚書克呼木率蒙古
漢軍駐燕京近郊太行一東至平潞西控關陝應有
險阻於附近民內選諳武事者修立堡寨守禦許堯
佐清濟貫濁河賦遂使還淳之士疑二氣之初分策功
之臣驚一一今中裂冷朝陽登靈善寺塔詩華岳三
峰小黃河一長羊士諤泛舟入後溪詩雨餘芳草
靜沙塵水綠灘平一一春白居易別草堂詩三間茅
舍向山開一一山泉繞舍迴元稹度門寺詩門臨溪
一一橋映竹千重牟融登翠樓詩雲樹四圍當戶
暝煙嵐一一隔簾浮李洞春日即事詩浴馬池西一
一泉開門景物似樊川夏侯楚秋霽望廬山瀑布詩
一一連青嶂千尋倒碧流王周巴江詩巴江江水色
一一濃藍碧司空圖白菊詩四面雲屏一一天是非

斷得目脩然

胡曾漢江詩漢江一碧流長兩岸春

風起綠楊

羅隱后土廟詩一好雲侵鬢綠兩層危

岫拂蒼青

羅鄴冬夕江上言事詩一長溪淥浸門

數聲幽鳥啄雲根

徐夔泉詩舊齋一連松竹明月

窗前枕上聞

陸龜蒙新定陪太守南館翫月詩却嫌

殷浩南樓夕

一秋聲入恨長薩都拉酌芳亭詩一

鍾山青未了

碧窗雲氣護龍亭吳萊題袁子仁所

藏巴船出峽圖

詩巴山一高崔嵬巴江萬里從天來

又元史輿服志

龍頭竿繡氎竿如戟無鈎下有小橫

木刻龍頭垂朱綠

蓋蓋每角綴朱佩一常末有金銅

鈴

一方

詩彼汾一言采其桑又所謂伊人在水一

傳伊維也

一難至矣又民之無良相怨一

又滔滔江漢南國之紀傳其神足以綱紀一

漢書終軍傳當發使使匈奴軍自請曰今聞將遣匈奴使

者臣願盡精厲氣奉佐明使畫吉凶於單于之前臣年少材下孤於外官不足以亢一一之任竊不勝憤懣晉書刑法志理者精元之妙不可以一一行也律者幽理之奧不可以一體守也又陶黃傳交土荒裔斗絕一一或重譯而言連帶山海又表喬傳桓溫謀伐蜀衆以為不可喬勸溫曰蜀人自以斗絕一一恃其完固不修攻戰之具若以精卒一萬輕軍速進比彼聞之我已入其險要李勢君臣不過自力一戰擒之必矣齊書竟陵王子良傳齊有天下日淺恩洽未布一一或饑當加優養五代史孟昶傳昶幸晉漢之際中國多故而據險一一君臣務為奢侈以自娛至於溺器皆以七寶裝之又張憲傳郭崇韜伐蜀薦憲可任為相而官官伶人不欲憲在朝廷樞密承旨段徊曰宰相在天子面前事有非是尚可改作一一之任苟非其人則為患不細憲材誠可用不如任以一一乃以為太原尹宋史王瞻傳熙河奏青唐諸族怨瞻入骨髓日圖報復樞

密院乞斬贍以謝——詔配昌化軍行至穰縣而縊
荀子卒然起——則舉統類而應之無所疑作張法而
度之則曉然若合符節是大儒者也——呂覽夫國豈為
車哉衆智衆能之所持也不可以一物——安車也
淮南子以死為一化以萬物為——白虎通任兵革
之重距——之難——徐幹雜詩念與君相別各在天——
——王勃秋夜長詩君在天——寒衣徒自香——杜甫
成都府詩我行山川異忽在天——楊陵送客之蜀詩西蜀
詩永夕卧煙塘蕭條天——劉禹錫生公講堂詩高坐寂寥
三千里巴南水——曹松碧角簾詩八尺碧天
雲漠漠——明月可中亭——李益送從叔赴洪州詩後
無點翳——青玉絕纖塵——白居易歸田詩何必守——
夜相思處中庭月——白居易疏放遺千慮愚蒙守——
窘然自牽束——又渭村退居詩疎放遺千慮愚蒙守——
——韓愈送張侍郎詩兩府元臣今轉密——逋鬼不
難平——顏采白露為霜詩獨念蓬門下窮年在——

竇常謁諸葛武侯廟詩角立——初退舍擬稱三漢更圖王王建上田僕射詩——新地隔河煙曾接諸生

聽管絃

張謬送李著作作倅杭州詩輟史空三署題興

佐——

李賀北中寒詩——黑照三方紫黃河水合

魚龍死

貢奎上藍寺詩——晴日簷聲響絕愛小窗

臨竹開

又齊書虞悺傳上就悺求諸飲食方悺秘不

肯出上醉後體不快悺乃

獻醒酒鯖鮓——而已

一成

易訟九二不克訟歸而逋其邑人三百戶无眚疏三百戶者——之地也詩維禹甸之箋六十四

井為甸甸方八里居——之中成方十里出兵車一乘

以為賦法左傳虞思於是妻之以二姚而邑諸綸有

田——有衆一旅註方十里為成五百人為旅疏田——

一衆一旅言食此——之地其內有為兵者五百人

又漢書司馬相如傳繁臺增成註增重也一重為——

也又周禮春官大司樂舞人從南表向第二表為——

一凝齋筆語孔子之謂集大成樂一變為一尚非大成九成皆畢然後謂之大成又禮記王制刑者例也例者成也一而不

可變故君子盡心焉

一斛

周禮作鬴他書並作斛周禮考工記旄人為簋實

人鬲實五鬴注鄭司農云鬴讀為斛漢書高祖紀關中大饑米斛萬錢注一一直萬錢後漢書光武紀初

王莽末天下旱蝗黃金一斤易粟一一至是野穀旅生人收其利焉又獻帝紀興平元年秋七月三輔大旱

穀一一五十萬豆麥一一二十萬又鄭元傳時袁紹總兵冀州遣使要元大會賓客元最後至乃延升上坐

身長八尺飲酒一一秀者明目容儀溫偉蜀志宗預傳孫權遺預大珠一一吳志趙達傳嘗過故知故知

曰倉卒乏酒又無嘉肴達因取盤中隻筋再三縱橫之乃言卿東墻下有美酒一一鹿肉三斤何以辭無晉

書劉伶傳見一飲下 宋書符瑞志泰始七年六月甲寅義陽郡獲銅鼎受一并蓋並隱起鏤 齊書武帝

紀永明六年八月乙卯詔吳興義興水潦被水之鄉賜痼疾篤癰口二斛老疾一斛小口五斗 南史劉穆之

傳穆之少貧往妻兄江氏乞食多見辱江氏慶會囑之勿來猶往食畢求檳榔江曰檳榔消食君乃常饑何忽

須此及穆之為丹陽尹乃以金拌貯檳榔一送之宋史樂志中呂調一夜明珠又食貨志秘書監楊

萬里奏民輸粟於官謂之苗舊以一輸一今以二斛輸一矣 梅妃傳明皇封珍珠一密賜妃妃不

受以詩謝使者曰長門自是無梳洗何必珍珠慰寂寥上令樂府以新聲度之號一珠 孔融與曹操論酒

禁書表益非醇醪之力無以脫其命定國不酣飲一無以決其法 杜甫君不見簡蘓俟詩百年死樹中琴

瑟一舊水藏蛟龍 又課伐木詩報之以微寒共給酒一一張籍長塘湖詩長塘湖一一水中半船魚

周曇獻帝詩是時老幼饑號處——黃禾五百千皮
日休吳中苦雨詩唯到陸先生不能分——陸龜蒙
酒泉詩味既敵中山飲寧拘——晁補之視田詩河
流之所濡——泥數斗范成大田園雜興不惜兩鍾
輸——尚贏糠覈飽兒郎趙孟頫詩姬姜自愛千金
貌遊俠輕量——珠宋元絳珠詩紅粉捐軀為主家
明珠——
委泥沙——

一石

史記主父偃傳又使天下蜚芻輓粟起於東牆琅
邪負海之郡轉輸北河率三十鍾而致——又

淳于髡傳臣飲一斗亦醉——亦醉威王曰先生飲一
斗而醉惡能飲——哉又曰暮酒闌合尊促席男女
同席烏履交錯堂上燭滅主人留髡而送客羅襦襟解
微聞薜澤當此之時髡心最樂能飲——漢書文帝
紀年八十以上賜米——又溝洫志涇水——其
泥數斗且溉且糞長我禾黍後漢書明帝紀永平二

年冬十月幸辟雍初行養老禮詔曰三老李躬年耆學
明五更桓榮授朕尚書詩曰無德不報無言不酬其賜
榮爵闕內侯食邑五千戶三老五更皆以二千石祿養
終厥身其賜天下三老酒人一一肉四十斤有司其存
耆耄恤幼孤惠鰥寡稱朕意焉又盧植傳性剛毅有
大節常懷濟世志不好辭賦能飲酒一一晉書周顗
傳顗在中朝時能飲酒一一及過江雖日醉每稱無對
偶有舊對從北來顗遇之欣然乃出酒二石共飲各大
醉及顗醒使視客已腐脅而死又馮跋載記飲酒一
一不亂宋書律志四時而一歲故四釣而一一南
史范雲傳沈攸之舉兵圍郢城雲為軍人所得攸之召
與語令送書入城內餉武陵王酒一一犢一頭餉長史
柳世隆鱸魚二十頭皆去其首唐書孔若思傳擢明
經歷庫部郎中常曰仕宦至郎中足矣座右置止水一
一明自足意五代史孟知祥傳是時唐軍涉險以餉
道為艱自潼關以西民苦轉饋每費一一不能致一斗

道路嗟怨而散塘軍既旋所在守將又皆棄城走明宗
憂之宋史食貨志大約中歲畝一則公田所得十

五萬石金史選舉志武舉嘗設于皇統時其制則見

于泰和式有上中下三等能挽一力弓以重七錢竹

箭百五十步立貼十箭內府試欲中一箭省試中二箭

程試中三箭元史世祖紀初民間酒聽自造米一

官取錢一貫盧世榮以官鈔五萬錠立權酤法米一

取錢十貫增舊十倍至是罷權酤聽民自造增課鈔一

貫為五貫論衡夫一之重一人挈之十石以上二

人不能舉也又形之血氣也猶囊之貯粟米也一

囊之高大亦適一治獄益精明五色線蔡邕飲酒乃至

定國飲酒一治獄益精明五色線蔡邕飲酒乃至

一常醉在路上臥人名曰醉龍白居易官牛樂府

一沙幾千重朝載暮載將何用方干贈鄭仁規詩

一雄才獨占難應分二斗借人寰陳陶詩楊柳聽

歌莫向隅雞鳴一留髡醉蘓軾聞李公擇飲傳國

博家大醉詩縱使先生能一一主人未肯獨留髧又
晉書石勒載記熒惑入昴星隕於鄴東北六十里初赤
黑黃雲如幕長數十匹交錯聲如雷震墜地氣熱如火
塵起連天時有耕者往視之土猶然沸見有一方尺
餘青色而輕擊之音如磬宋史黃籥傳歲餘三運笛
乃不樂間行西湖慨然曰我昔在南北山一水一一無
不題品今無復情味何邪新論峻極之山非一一所
成凌雲之榭非一木所構狐白之裘非一腋之毳宇宙
為宅非一賢所治益州記龍盤山有一一長四十丈
高五尺有戶及扉若人掩閉古老相傳為五女房酉
陽雄俎荊州利水間有二石若闕名曰韶石晉永和
有飛仙衣冠如雪各憩一一旬日而去人咸見之夢
溪筆談郢州漁人擲網於漢水至一潭底舉之覺重得
一一長尺餘圓直如斷椽細視之乃羣小蛤鱗次相比
網縲鞏固以物試挾其一端得一書卷乃唐天寶年所
造金剛題誌甚詳字法奇古歐陽詹石韞玉賦紛爾

千峰塊然——杜甫戲題畫山水圖歌見一水下
郭思詩落星——幾千年門外何人扣漢川又碩同

詩我姑酌彼金罍傳人君黃金罍疏毛詩說金罍酒器
也諸臣之所酢人君以黃金飾尊大——金飾龜目蓋
刻為雲雷之象又司尊彝云皆有罍諸臣之所酢注云
罍亦刻而畫之為山雲之形言刻畫則用木矣故禮圖
依制度云刻木為之毛說言大——禮圖亦云大一斛
則大小之制尊卑同也雖尊卑飾異皆得畫雲雷之形
以其名罍取
于雲雷故也

一鍾

左傳鄭子展卒子皮即位於是鄭饑而未及麥民
病子皮以子展之命餽國人粟戶——註六斛四

斗曰鍾

晉書江統傳鄭國白渠灌浸相通泰稷之饒

畝號——

百姓詠其殷實宋史河渠志按舊史鄭渠

元引涇水自仲山西抵瓠口並北山東注洛三百餘里
既田四萬頃畝收——陸機漏刻賦積水不過——

道流不過一蓬 韓愈峽石西泉詩居然鱗介不能容
石眼環環水 又楊萬里至日薄寒詩裁縫苦思

詩千首排遣
清愁酒 一

一量

史記秦始皇紀器械 一 同書文字註 一 者同
度量也 齊書張融傳見一通下 管子見一稱

下

陸機文賦體

有萬殊物無 一

一鈞

新論萬碩之鼎不可滿以孟
水 一 之鍾不可容於泉流

一斗

詩於我乎每食四簋音義內方外圓曰簋外方內
圓曰簠皆容 一 二升 史記淳于髡傳見一石

下 又賜酒大王之前執法在傍御史在後髡恐懼俯
伏而飲不過 一 徑醉矣 漢書淮南王傳見一尺下

又李廣傳刁斗註以銅作鐺受 一 畫炊飯食夜擊
持行故名刁斗 南史蕭介傳初武帝總廷後進二十

餘人置酒賦詩臧盾以詩不成罰酒一盾飲盡顏色不變言笑自若介染翰便成文無加點帝兩美之曰臧盾之飲蕭介之文即席之美也北史齊南陽王綽傳詔鎖綽赴行在所至而宵之問在州何者最樂對曰多取蠍將蛆混看極樂後主即夜索蠍一比曉得二三升置諸浴斛使人裸卧浴斛中號叫宛轉帝與綽臨觀喜噱不已謂綽曰如此樂事何不早馳驛奏聞唐書王績傳高祖武德初以前官待詔門下省故事官給酒日三升或問待詔何樂邪答曰良醞可戀耳侍中陳叔達問之日給一小時稱斗酒學士三輔決錄孟佗字伯郎以葡萄酒一遺張讓讓即拜佗為涼州刺史兩朝實訓真宗嘗問近臣唐時酒價皆不能對丁晉公云一一三百上問何以知之對曰杜甫詩云速宜相就飲一一恰有三百青銅錢上稱善久之信乎杜詩為詩史也明道雜志平生飲徒大抵止能飲五升已上未有至斗者晁無咎與余酒量正敵每相遇兩人對飲輒

盡一纔微醺耳

備忘小抄上尊糯米一得酒一

一也

崔國輔雜詩

逢著平樂兒論交鞍馬前與酤一

一酒恰用十千錢

李白瑩篴謠漢謠一果不與淮

南春

又月下獨酌詩三杯通大道一合自然杜

甫飲中八仙歌李白一詩百篇長安市上酒家眠

郎士元寄李袁州桑落酒詩十千提携一遠送瀟湘

故人

獨孤及東平蓬萊驛夜宴詩夜清酒濃人如玉

一何唐直十千

韓愈駕驛詩渴飲一水饑食一

東芻

劉禹錫葡萄歌為君持一往取涼州牧

施

肩吾壯士行一之膽撐臍腑如螺之筋礙臂骨

白

居易詩十千一猶賒飲何况官供不著錢李商隱

復至裴明府所居詩賒取松醪一酒與君相伴灑煩

襟

皮日休釣侶詩起眠無事避風濤一霜鱗換濁

醪

唐彦謙蟹詩橙膏醬濃調堪嘗一擘開紅玉滿

蘓軾蜜酒歌百錢一濃無聲甘露微濁醍醐清

戴表元杭城風雨中簡子昂詩一盡輸無事飲千金

不買辟寒裘 范曄福州雜詩安得建陽一酒少隨
甘旨到柴扉 虞集江貫道江山平遠圖詩我持羹脯

酒一墨汁盈盤可濡首 周權蒲萄酒詩縱教典却
鷓鴣裘不將一博涼州 楊維禎郭天錫春山圖詩

醉傾一金壺汁
貌得江心兩玉尖

一龠

周禮大師註黃鍾長九寸其實一龠周語先王
之制鐘也律度量衡于是乎生註黃鍾之管容秬

黍千二百粒粒百為銖是為一龠二為合合重一兩
故曰律度量衡于是乎生 漢書律歷志一容千二
百黍重十二銖 後漢書律歷志註說苑曰千二百粟
為一十簍為一合十合為一升十升為一斗十斗為

斛一

一升

詩我姑酌彼兕觥疏韓詩說一豆下 史記天官書
也 周禮考工記梓人見一豆下 史記天官書

或從正月旦比數雨率日食一。至七升而極。注孟康曰：月一日雨，民有一。之食，二日雨，民有二。升之食，如此。至七日，宋書前廢帝紀：大明八年，東諸郡大旱，甚者米一。數百京邑亦至百餘。齊書天文志：永明四年二月乙丑，有流星大如一。器。又劉祥傳：因性不耐酒，親知所悉，強進一。便已迷醉。南史呂僧珍傳：當直禁中，盛暑不敢解衣，每侍御坐屏氣，鞠躬對果食，未嘗舉箸。因醉後取一。食，武帝笑謂曰：卿今日便是大有所進。唐書韋絢傳：宗廟法享不可變，古從俗有司所承一。爵，五升散禮。凡宗廟貴者以爵，賤者以散。此貴小賤大以示節儉。酒譜：蕭齊劉元明政事為天下最，或問政術，答曰：作縣令但食一。飯而不飲酒，此第一策也。神仙傳：王遠東海人也，舉孝廉，除郎中，欲東入括蒼山，過吳住胥門蔡經家。經者小民耳，而骨相當仙，遠知之，故住其家，謂經家人曰：吾欲賜汝輩美酒，此酒方出天厨，其味醇醲，非俗人所宜飲，飲之或能爛。

賜今當以水和之汝輩勿怪也乃以斗水合升酒攪之以賜經家人人飲一一許皆醉良久酒盡遠遣左右曰不足復還取也以千錢與餘杭姥乞酤酒須臾信還得一油囊酒五斗許使傳餘杭姥答曰恐地上酒不中尊飲耳

一一麻

或牒兩把菊

又詩文王

陟降在帝左右

宋史與服志按

薄令王公已下象輅以象飾諸末朱班輪八鸞在衛左

建旗画龍一一

一降右載闔戟

詩隰有萋楚疏陸機疏云今羊桃是也葉長而狹

華然赤色其枝莖弱過一一引蔓於草上

漢書

淮南王傳一一布尚可縫一斗粟尚可舂

後漢書楊

倫傳出補常山王傳病不之官詔書敕司隸催促發遣

倫乃留河內朝歌以疾自上曰有留死一一無北行一

寸刻頸不易九裂不恨匹夫所執彊於三軍固敢有辭

又馬廖傳長安語曰城中好高髻四方高——城中
好廣眉四方且半額城中好大袖四方全匹帛南史
南平王偉傳子恭除寧蠻校尉雍州刺史政績有聲百
姓請於城南立碑頌德詔許焉名為政德碑是夜聞數
百人大叫碑石明旦視之碑涌起——恭命以大柱置
於碑上使力士數十人抑之不下又以酒脯祭之使人
守視俄而自復視者竟不見之恭聞而惡焉北史皇
甫玉傳人有七尺之形不如——之面——之面不如
一寸之眼五代史桑維翰傳為人醜怪身短而面長
常臨鑑以自奇曰七尺之身不如——之面慨然有志
於公輔莊子——之樗日取其半萬世不竭吳越
春秋見一大下司馬法將軍死綏註綏却也有前——
——無却一寸淮南子終年為車無三寸之鎗不可以
驅馳匠人斲戶無——之榱不可以開藏論衡果蓏
之物在人之前去口——心欲食之口氣吸之不能取
也手搬送口然後得之列仙傳莫邪子赤鼻者問——

黃庭內景經脾長一掩太倉中部老君治明堂
洞冥記龍肝瓜長一花紅葉素生於冰谷所謂冰
谷素葉之瓜劉楨失題詩條柯不盈尋一再三曲
庾信王昭君詩圍腰無一垂淚有千行盧綸難
縮刀子歌輕冰薄玉狀不分一寒光堪扶雲韓愈
送張道士詩恨無一捶為國答羌夷元稹詩髻鬟
栽栽高一門前立地看春風白居易雪夜喜李郎
中見訪詩十分滿盞黃金液一中庭白玉塵孟郊
秋懷詩一透戶化栗如劍飛李商隱永樂縣久
旱縣宰祈禱得雨詩甘膏滴滴是精誠晝夜如絲一
盈又夜思詩寄恨一素含情雙玉璫溫庭筠張
靜婉采蓮曲抱月飄煙一腰麝臍龍髓憐嬌嬈又
南歌子詞一深紅勝麴塵天生舊物不如新鄭谷
淮上漁者詩一鱸魚新釣得兒孫吹火荻花中曹
唐小遊仙詩略尋舊路過西國因得冰園一瓜陸
龜蒙古意詩城中皆一非妾髻髮高陳陶小笛弄

袖掩千行淚書封——金徐鉉和方泰州見寄詩雲
收楚塞千山雪風結秦淮——冰蘓軾壽星院寒碧
軒詩清風肅肅搖窗扉窗窗前修竹——圓徐積吳舒
信道詩淮干風起木枝搖顚下斲甌——高楊萬里
梅露堂燕客夜歸詩梅堂客散人初靜椽燭燒殘——
紅范成大新涼夜坐詩江頭——稻花雨窗外三更
蕉葉風郝經贈漁者詩——新魴綠柳穿漁人饋我
不論錢岑安卿二月二日大雪詩空堦夜落雪——
起看萬樹梨花雲馬祖常御溝春日詩流入宮牆才
——便分天上與人問方夔雅興閑來更試絲綸手
新釣江鱸——長顧瑛戲答陸靜遠詩秋水藍橋——
——強愁聞玉杵擣元霜張憲鐵笛道人遺篋詩朔
客蒼頭——鬢酒酣氣熱卷蘆吹陳基福山港口待
湖詩潮落沙頭纔——
——停舟夏口復三更

一丈

詩百堵皆作傳一為板五板為堵禮記文王世子凡侍坐於大司成者遠近間三席可以問疏

去大司成遠近中間可容三席之地席制廣三尺三分寸之一三席則函一一可以指畫而問也又月

令以習五戎疏弓矢一也父長丈二也矛長二丈三也戈長六尺六寸四也戟長一一五尺五也吳志呂

岱傳註吳置廣州以滕修為刺史或語修鰕鬚長一修不信其人後至東海取鰕鬚長四丈四尺封以示修

修乃服之晉書石季龍載記揚州送黃鵠雛五頸長一薺間十餘里泛之於元武池吳越春秋子胥之

吳被髮佯狂行乞於市市吏善相者見之白吳王僚王名之怪其狀偉身長一一腰十圍眉間一寸王僚與語

三日辭無復者王曰賢人也論衡富人之宅以一一之地為內內中所有押匱所贏縑布絲帛也貧人之宅

亦以一一為內內中空虛徒四壁立故名曰貧拾遺記淳瀛即瀛州也上有青石可為磬磬者長一一輕若

鴻毛因輕而鳴西王母與穆王歡歌畢乃昇雲去又
有韓房者身長一垂髮至膝以丹砂畫左右手如日
月盈缺之勢可照百餘步又方丈西山有照石去石
十里視人物之影如鏡焉碎石片片皆能照人而質方
一一則重一兩廣志北方地厚寒冰厚三尺地凍一
一法苑珠林釋佛常光明面各一一諸天光明大者
雖無量由旬於丈光邊蔽而不現雲笈七籤又有八
龍雲篆明光之章自然飛元之氣結空成文字方一一
聲於諸天之內生立一切也吳均食移扶南甘蔗一
一三節白日炙之便銷清風吹之即折庾信奉報寄
洛州詩星芒一一皎月暈七重輪又正旦上司憲府
詩雪高三尺厚冰深一一寒杜甫前苦寒行漢時長
安雪一一牛馬毛寒縮如蜩李白詩數枝石榴發一
一落花開李益雨雪曲天山一一雪雜雨夜霏霏
白居易賣炭翁詩半匹紅紗一一綾繫向牛頭充炭直
劉又偶書詩日出扶桑一一高人間萬事細如毛

曹松長安春日詩塵中——日誰是晏眠人 蕪載遊
金山寺詩聞道潮頭——高天寒尚有沙痕在 真山
民西湖圖詩兩袖春風——池等閑踏破柳橋西 薩
都拉過高郵射陽湖詩大罾——濶小舟一葉輕 張
昱雪夜寄左史丞詩白雪相

一尺

任昉弔劉文範文曾不睹千仞之——萬頃之涓
滄 楊時詩江頭——雨銜天奔浪號風作悲健

一寸

周禮大司徒以土圭之法測土深正日景以求地
中日南則景短多暑日北則景長多寒日東則景

夕多風日西則景朝多陰註凡日景於地千里而差——
漢書賈誼傳諸侯之地其削頗入漢者為徙其侯
國及封其子孫也所以數償之——之地一人之衆天
子亡所利焉誠以定治而已故天下咸知陛下之廉
後漢書楊倫傳見一尺下 晉書庾亮傳夫萬物之所
不通聖賢因而不奪冒親以求——之用未若防嫌以

明至公 又劉曜載記鐵厚一射而洞之於時號為神射 宋書律志秋分而禾標定標定而禾熟律之數十二故十二標而當一粟一粟而當一草亦倅於踐踏高傳夫千仞之木既摧於斧斤一一之草亦倅於踐踏高崖之修幹與深谷之淺條存亡之要巨細一揆耳 又王僧孺傳竟陵王子良嘗夜集學士刻燭為詩四韻者則刻一一以此為率文琰曰頓燒一一燭而成四韻詩何難之有乃與令楷江洪等共打銅鉢立韻響滅則詩成皆可觀覽 金史左企弓傳太祖既定燕從初約以與宋人企弓獻詩畧曰君王莫聽捐燕議一一山河一一金太祖不聽 元史河渠志宋時專設人夫以時修濬練湖瀦蓄潦水若運河淺阻開放湖水一一則可添河水一尺近年淤淺舟楫不通凡有官物差民運遞甚為不便 叅同契分章註道之形象真一難圖變而分布各自獨居類如雞子白黑相符縱廣一一以為始初黃庭內景經泥九九真皆有房方圓一一處此中

魏武帝讓禮令里諺曰讓禮一得禮一尺斯合經之
要矣王炎石菖蒲賦養心益髓將引年兮一節
可登仙兮庾信題結線袋子詩一乃非虛杜甫鄭
命花李嶠書詩請君看入木一乃非虛杜甫鄭
駙馬池臺喜遇鄭廣文同飲詩白髮千莖雪丹心一
灰又蠶穀行焉得鑄甲作農器一荒田牛得耕
韓愈遠遊聯句我有鈎欲釣千丈流元稹折枝
花贈行詩櫻桃花下送君時一春心逐折枝白居易
易除忠州寄謝崔相公詩感舊兩行年老淚酬恩一
歲寒心張籍寄菖蒲詩石上生菖蒲一十二節
李商隱如有詩良宵一餞回首是重幃又無題詩
春心莫共花爭發一相思一灰溫庭筠晚坐詩
遺簪可惜三秋白蠟燭猶殘一紅李洞觀水墨障
子詩研盡一墨掃成千仞峰賀遂亮贈韓思彥詩
意氣百年內平生一心崔珣有贈詩煙分頂上三
層綠劍截眸中一光高蟾吳門春雨詩王孫不耐

如絲雨胃斷春風——心——曹松荆南道中詩遊秦分
繫三條燭出楚心殊————灰——鄭谷投所知詩却應迴
念江邊草放出春煙————心——皮日休魯望以輪鈎相
示詩三尋絲帶桐江爛————鈎含笠澤腥——吳融靈池
縣見早梅詩小園晴日見寒梅————鄉心萬里回——寒
山詩五嶽俱成粉須彌————山——蘓軾答王鞏詩十年
塵土窟————冰雪清——楊萬里雪霽出城詩河凍落痕
餘————殘冰閣在柳根沙————又秋雨歎簷牙半點能多
少滴入苔堦————青——又初夏詩雨後覓春無————舊
薇花發醺胭脂————陸游江北莊取米到作飯香甚有感
詩飛霜掠面寒壓指————赤心惟報國
李通江村詩兩盂殘喘粥————苦吟燈
一分————史記騶衍傳以為儒者所謂中國者於天下八十
————居其————耳——漢書律歷志見一黍下——後
漢書律歷志推日明所入度分術曰置其月節氣夜漏
之數以節法乘之二百除之得————即夜半到明所行

分也以增夜半日所在度分為明所在度分也淮南
子天文訓其以為量十二粟而當一十二分而當一
銖十二銖而當半兩衡有左右因倍之故二十四銖為
一兩薛能秋日將離滑臺酬所知詩身起中宵骨亦
驚一少年少已無成高駢遣興詩沈憂萬種與千種
行樂十分無一一方干贈會稽張少府詩一酒戶
添猶得五字詩名隱即難徐鉉奉命南使經彭澤詩
速使程途未一離心常要醉醺醺蘇軾紅梅詩細
雨裏殘千顆淚輕寒瘦損一肌范成大正月六日
風雪大作詩即日反風吹盡雪東君已費一春又
去聲宋史食貨志知熙州王韶建議議依沿邊和糴例以
一見緡九分西鈔別約價募入中者凡邊部入中有
闕則多出京鈔或饒益誘之以紓用度呂覽黃鐘生
林鐘林鐘生太簇太簇生南呂南呂生姑洗姑洗生應
鐘應鐘生蕤賓蕤賓生大呂大呂生夷則夷則生夾鐘
夾鐘生無射無射生仲呂三分所生益之一一以上生

三分所生去其一以下生齊東野語唐國史補于
頔令客彈琴其嫂知音曰三分中一一箏聲二分琵琶
全無琴韻則新繁皆非古矣

一毫

孟子思以一挫於人若撻之于市朝後漢書
仲長統傳論如使用審其道則殊途同會才爽其

分則一一以乖宋書何子平傳除吳郡海虞令縣祿
唯以養母一身而妻子不犯一一人或疑其儉薄子平

曰希祿本在養親不在為己又天竺迦毘黎國傳構

羣材以成大廈罔專寢之實積一一以致合抱無擅木

之體有生莫餓頃之留太山茂累息之固興滅無常因
緣無主所空在於性理所難據於事用吾以為悞哉

南史王曇首傳曇首有智局喜愠不見於色閨門內雍
雍如也手不執金玉婦女亦不得以為飾既自非祿賜

一一不受於人北史辛術傳定淮南凡諸賢物一一
無犯唯大收典籍多是宋齊梁時佳本鳩集萬餘卷并

顧陸之徒名画二王已下法書數亦不少俱不上王府
唯入私門列子揚朱曰伯城子高不以一利物舍
國而隱耕大禹不以一身自利一體偏枯古之人損
一利天下不與也悉天下奉一身不取也人人不損
一利人人不利天下天下治矣謝偃影賦細故則一
必具大物則萬象無失蘓軾赤壁賦且夫天地之間
物各有主苟非吾之所有雖一而莫取元稹酬劉
猛詩雖無二物姿庶欲効一一陳沆詩點入早雲千
險阻陸游立春後三日作千古事終輸釣艇一一憂
不到禪房范梈黃州道中詩眼中陳仲子九鼎一一
輕又覽同宋書律志太簇之笛正聲應太簇下徵應
南呂長二尺五寸
三分一一有奇

一銖

禮記檀弓子碩欲以賻布之餘具祭器疏凡十黍
為一參十參為一一二十四銖為一兩故錢邊作

五銖字也

漢書食貨志大布次布弟布壯布中布差

布厚布幼布幺布小布小布長寸五分重十五銖文曰

小布一百自小布以上各相長一分相重一兩文各為

其布名直各加一百上至大布長一寸四分重一兩而

直千錢矣是為布貨十品北史高謙之傳王莽攝政

錢有六等大錢重十二銖次九銖次七銖次五銖次三

銖次一白居易和微之春日投簡陽明洞天詩重

士過三哺輕財抵一崔塗過陶徵君隱居詩田園

三畝綠軒冕一輕陸游夜坐求酒

詩清笳嫋嫋已三弄殘火熒熒纔一

一鎰史記平準書注見一斤下管子黃金一一百乘

而遊宦三年休還家其婦采桑於郊胡至郊而不識其

妻也見而悅之乃遺黃金一妻曰妾有夫遊宦不返

幽閨獨處三年于茲未有被辱於今日也采不顧胡慚

而退演繁露趙與蘓秦黃金百鎰注二十兩為一

李程披沙揀金賦充一
而有待貫三品而方期

一圭

後漢書律厯志註說苑曰十粟重一一圭重一
銖二十四銖重一兩十六兩重一斤三十斤重一

鈞四鈞
重一石

一兩

左傳見一端下 禮記檀弓疏見一銖下 漢書
食貨志見一銖下 後漢書徐穉傳見一隻下

宋史食貨志匹婦之貢絹三尺綿一百里之縣歲收
絹四千餘匹綿二千四百斤非蠶鄉則布六尺麻二兩
所收視綿絹倍之 又晉書紀瞻傳臣聞易失者時不
再者年故古之志士義人負鼎趣走商歌於市誠欲及
時效其忠規名傳不朽也然失之者億萬得之者一
耳 宋書袁粲傳受遺當權四方輻湊閑居高卧一無
所接談客文士所見不過一人 齊書廬陵王子卿
傳子卿在鎮營造服飾多違制度上敕之曰吾前後有

敕非復一一過道諸王不得作乖體格服飾汝何意都
不憶吾敕邪又陸澄傳儉在尚書省出巾箱几案雜
服飾令學士隸事事多者與之人人各得一物澄後
來更出諸人所不知事復各數條并奪物將去南史
王宏之傳見一處下北史韓麒麟傳帝曰苟有殊人
之技不患不知然君子之門假使無當世之用者要自
德行純篤朕是以用之沖曰傳巖呂望豈可以門見舉
帝曰如此濟世者希曠代有一耳王暕觀樂應詔
詩遞奏豈二八繁絃非一一紀少瑜詠殘燈詩唯餘
一一皎纔得解羅衣庾信擬詠懷詩橫石三五片長
松一一株宗懷早春詩鶯鳴一一轉花樹數重開
秦系寄浙東皇甫中丞詩閑閑麋鹿或相隨一一年來
鬢欲哀錢起題郎士元半日吳村別業詩橫雲嶺外
千重樹流水聲中一一家白居易喜楊侍御同宿詩
眼看又上青雲去更卜同衾一一宵王建雨過山村
詩雨裏雞鳴一一家竹溪村路板橋斜曹松贈餘干

表明府詩——西城色陶家心自清
陸龜蒙襲美醉中寄一壺并一絕詩酒痕衣上雜莓苔猶憶紅螺——

杯

又移石盆詩無人盡日澄心坐倒影新篁——竿
黃庭堅芙蓉詩池上秋開——叢未妨冷淡伴詩翁

楊萬里

近節詩詩卷——冊齋房三四間
又早行

鳴山詩殷勤喚醒梅花睡枝上春禽——聲
又克信

弟坐上賦花詩如何屋角西南月只照梢頭——花
范成大重陽不見菊詩可憐短髮空敲帽欠了黃花——

一枝

又去聲戴叔倫憶原上人詩
——棕鞵八尺藤廣陵行遍又金陵

一斤

公羊傳百金之魚公張之注古者以金重——若
今萬錢矣史記平準書於是為秦錢重難用更

令民鑄錢一黃金——注索隱曰如淳云時以錢為貨

黃金——值萬錢非也又臣瓚下注云秦以一鎰為一

金漢以——為一金是其義也漢書食貨志黃金方

寸為重——晉書石季龍載記時眾役煩興軍旅不

息加以久早穀貴金——直米二斗 宋史律歷志新
法既成詔以新式留禁中取太府舊稱四十舊式六十
以新式按之乃見舊式所謂——而輕者有十謂五斤
而重者有一式既若是權衡可知矣 又刑法志御史
臺點檢錢塘仁和縣獄具錢塘大杖一多五錢半仁和
枷一多——一輕半斤詔縣官各降一官 淮南子薄
疑說衛嗣君以王術嗣君應之曰予所有者千乘也願
以受教薄疑對曰烏獲舉於千鈞又况——乎 春秋
繁露今握棗與錯金以示野人野人必取棗而不取金也握
——金與千萬珠以示野人野人必取金而不取珠也
參同契龍虎兩弦章上弦兌數八下弦艮亦八兩弦
合其精乾坤體乃成二八應——易道正不傾 參同
契解易有三百八十四爻即周天火候上下二弦二八
——之數——計三百八十四銖適與卦爻相應乾爻
一百九十二坤爻一百九十二而乾坤之道備矣 甲
申雜記仁宗朝及前宰臣歲賜茶——酒二壺後以為

例 白居易閑居貧活計詩
飢烹——肉暖卧兩重衾

一釐 宋史律歷志中尺比晉前
尺為一尺二寸一分——

一銖 宋史律歷志二銖四銖為錢二銖四銖為分——
二黍重五釐六黍重二釐五毫三黍重一釐二毫

五絲則黍紫
之數成矣

一部 周髀算經
見一遂下

一遂 周髀算經十九歲為一章四章為一部七
十六歲二十部為——遂千五百二十歲

一仞 宋書符瑞志漢元成之世先識之士有言曰魏年
有和當有開石於西三千餘里繫五馬文曰討曹
及魏之初興也張掖刪丹縣金山柳谷有石生焉周圓
尋中高——蒼質素章有五馬麟鹿鳳凰仙人之象始

見於建安形成於
黃初文備於太和

一尋

又李端送馬尊師詩武陵花木應長在願與漁人

更一

羅隱詠史詩蠹簡遺編試一一寂寥前事似

茫思渺

一率

同文算指三率準測之法以一一除二率得

一條

詩游環脅驅傳脅驅慎駕具所以止入也疏脅驅

慎乘駕之具也

無名氏六角扇賦柄一一而有象形

六折而難擬

寶參登潛山觀詩山勢欲相抱一一微

徑盤

盧仝將歸山招水僧詩千里石壁圻一一流泌

泉

孟郊送李尊師詩頭冠兩片月肩披一一雲陳

潤賦得浦外虹送人詩——微雨後五色片雲中裴
說春早寄華下同入詩東門——路離恨鎮相仍駱
浚題栢樹詩幹聳——青玉直葉鋪千疊綠雲低徐
凝瀑布詩萬古長如匹練飛——界破青山色李洞
斃驢詩三尺焦桐背殘月——藜杖卓寒煙殷文圭
送道者朝見後歸山詩神鼎已乾龍虎伏——真氣出
雲端杜荀鶴塞上詩成樓三號火探馬——塵徐
寅和尚書詠泉山瀑布詩名齊火浣溢山椒誰把驚虹
挂——趙師秀萬年寺詩幾片閒雲誰是主——流
水不知源方回次韻志歸詩屢嘗三斗醋不夢——
水又禮記檀弓掘中雷而浴毀竈以綴足及葬毀宗
躡行出于大門殷道也疏此以下三句明殷禮也每——
義兼二事也齊書王敬則傳塘丁——宜還復舊
在所通郵優量原除白居易重題詩還有——遺恨
事高家門館未酬恩又明一統志——城在
臨兆府金縣東一百九十里宋狄青巡邊所築

一套

同文算指間用金八十一兩造杯一一五箇每杯重若干此挨次哀分併各哀為首率總金為次率

列各哀為三率

一把

左傳疏見一秉下晉書陶侃傳嘗出遊見人持

之耳侃大怒曰汝既不佃而戲賊人稻執而鞭之是以百姓勤於農殖家給人足五代史王章傳尤不喜文

士嘗語人曰此輩與一一算子未知顛倒何益於國邪韓詩外傳晉平公游於河而樂曰安得賢士與之樂

此也船人盍胥跪而對曰主君亦不好士耳夫珠出於江海玉出於崑山無足而至者猶主君之好也士有足而不至者蓋主君無好士之意耳無患乎無士也平公曰吾食客門左千人門右千人朝食不足夕收市賦暮食不足朝收市賦吾可謂不好士乎盍胥對曰夫鴻鵠一舉千里所恃者六翮爾背上之毛腹下之毳益一一

飛不為加高損——飛不為加下今君之食客門左門
右各千人亦有六翮在其中矣將皆背上之毛腹下之
義耶 水經注陀術國有佛鉢青玉也受三斗許彼國
實之供養時願終日香花不滿則如言願——滿則亦
便如言 裴說送進士蘓瞻亂後出家詩眼開千行淚
頭梳——霜 李商隱轉韻詩天官補吏府中趨玉骨
瘦來無—— 徐仲雅宮詞——柳絲收不得和風搭
在玉闌干 李羣玉贈回雪詩腰支——玉祇恐風吹
折 黃庭堅寄何立可提刑詩半
腰城甫包圓畢——兵皆點摘殘

一層

慧遠廬山記南對高峰上有奇木獨絕於林表數
十丈其下似——浮圖白鷗之所翔元雲之所入

也 王之渙登鸛雀樓詩欲窮千里目更上——樓
杜荀鶴詩好將膏雨同功力松徑莓苔又——又翻
思釣魚處一雨——苔 方岳詩柱
上風煙更——瘦藤對倚玉陵嶒

一回

梁簡文帝龍丘引詩龍邱——首楚路蒼無極
白居易詩君不見外州官入長安道——來時——

望月——

老無名氏王昭君詩——
悲望月月移人不移

一限

五代史司天考月離出入黃道六度變從八節斜
正不同故月有九道黃道八節各有九限若正交

起八節後第一——之宿為月行其節第一道起第二限
之宿為月行其節第二道即以所起限為正交後第一

一初率八每限減一盡九限末率空又九限初率空每
限增一末率八殷半交之宿自後亦九限初率八每限

減一末率空又九限初率空每限增
一末率八復與黃道相會謂之中交

一頓

水經注爾雅曰山一成謂之頓邱釋名謂——而
成丘無高下小大之殺也釋氏通鑑香闍黎止

益州青城山寺時俗每至三月三日往山遊賞香曰檀
越等嘗自噉飯未曾與香今日須餐——諸人爭奉肴

酒隨得隨盡 揚雄賦忽萬里而一一今過列仙以託宿

一宣

周禮考工記車人之事半矩謂之宣一一有半謂之檣一檣有半謂之柯一柯有半謂之磬折

一檣

周禮考工記見上

一屬

五代史唐景思傳景思有奴嘗有所求不如意即馳見弘肇言景思與李景交通而私蓄兵甲弘肇

遣吏將三十騎往收景思奴謂吏曰景思勇者也得則殺之不然失之矣吏至景思迎前以兩手抱吏呼冤請詣獄自理吏引奴與景思驗景思曰我家在此請索之有錢十千為受外賂有甲一一為私蓄兵吏索之惟一衣筒軍籍糧簿而已吏閱而寬之

一柯

周禮考工記見一宣下

一絡

王渙惆悵詩青絲——墮
雲鬟金剪刀鳴不忍看

一溢

禮記奔喪朝——米暮——米注二十兩曰溢
于粟米之法——為米一升二十四分升之一

一拳

禮記作卷後皆作拳中庸今夫山——石之多
其廣大草木生之禽獸居之實歲興焉疏今夫山

——石之多言山之初時唯——石之多多少少為——

石耳故鄭注云卷猶區也王蔡芙蓉峰賦劒雖合質

匪三尺之微茫石縱同規除——之瑣細元稹望海

亭詩——塙伏東武小兩山闕構秦望雄白居易哭

崔常侍晦叔詩頑賤——石精珍百鍊金孟郊答李

員外小榼味詩——芙蓉水傾玉何泠泠錢珝江行

無題詩千頃水紋

細——嵐影孤

一窩

徐渭梅賦或扣之為——亦種之於數里
陸游詞梳髮金盤剩——畫眉驚鏡暈雙蛾

一培

蘇軾有謝陳季常惠一一中詩

一擔

宋史食貨志凡四川四千九百餘井歲產鹽約千餘萬斤引法初行百斤為一一又許增十斤勿算

以優之

一爨

嵇康聲無哀樂論猶一一之火雖未能溫一室不宜復增其寒矣

一柄

鮮一經游阿盧仙洞記下雕欄一週行數步下有彩雲一段左旁有大傘蓋一一徐賓詩引溪上

要一隻白簾扇蓋頭垂釣去年就節推侍御請之蒙惠一一紫花紋者雖則鱗華具甚紕薄不及清源所出因

就南郡陳常侍請之遂成拙句

一網

宋史食貨志開寶八年乃擇幹強之臣在京分掌水陸路發運事凡一一計其舟車役人之直給付

主網吏雇募舟車到發財貨出納並關報而催督之
又舊法細色網龍腦珠之類每一五千兩其餘犀象
紫礦乳檀香之類為粗色每網一萬斤凡起一遣衙
前一名部送支脚乘贍家錢一百餘緡又楊澈傳通
判虔州令就大將曹彬分兵以行既入境偽帥郭再興
擁兵自固澈單騎直趨其壘諭以朝廷威信再興即奉
符以代澈悉料城中軍士之勇壯
者凡五百人為一部送京師

一馱

宋史食貨志晉汾慈州鑿以一百四十斤為一
給錢六十隰州鑿馱減三十斤給錢八百

一紐

晉書郗恢傳慕容垂圍慕容永於潞川永窮蹙遣
其子弘求救於恢并獻玉璽一恢獻璽於臺又

陳垂若并永其勢難測今於國計謂宜救永永垂並存
自為仇讐連雖不棲無能為患然後乘機雙斃則河北
可平孝武帝以為然詔王恭庾楷救之又慕容德載
記會劉藻自姚興而至興太史令高曾遣其甥王景暉

隨藻送玉璽——并圖識秘文曰有德者昌無德者亡
德受天命柔而復剛元史祭祀志世祖武宗影堂皆
藏玉冊十有二牒玉寶——仁宗影堂歲皇太子玉冊
十有二牒皇后玉冊十有二牒玉寶——英宗影堂藏
皇帝玉冊十有二牒玉寶——
——皇太子玉冊十有二牒

一稱宋史律歷志等一錢半者以取——之法其衡合
樂尺一尺二寸重一錢錘重六分盤重五分初毫
星準半錢至稍總一錢半析成十五分分列十釐中毫
至稍一錢析成十分分列十釐末毫至稍半錢析成五
分分列
十釐

一數同文算指乘法第四若以——為
首而尾帶多其數雖多總只是一

一迹史記酷吏傳南陽吏兵重足——又宋史傳
楫傳除太學博士居四年未嘗——大臣門

一痕

趙秉文遼東詩曰莫沙禽忽驚起——冲破浪花
圓元淮端陽新月詩遙看——月搗破楚天青

鮮于溥早發詩燈前夢斷家千里馬上詩成月——
顧瑛詠虎丘試劍石詩劍試——秋崖傾水斷流

一列

周語陳其鼎俎俎設于左牛豕為——魚腊腸
胃為——膚特于東宋書樂志太常傳隆以為

杜預注左傳佾舞云諸侯六六三三六六人常以為非夫
舞者所以節八音者也八音克諧然後成樂故必以八

六為例自天子至士降殺以兩兩者減其二列爾預以
為——又減二人至士止餘四人豈復成樂又儀衛

志弩五人為——弓矢十人為二重稍二十人為四重

呂覽武王即位觀周德則王使叔旦就膠鬲於火四
內而與之盟曰加富三等就官——為三書同辭血之

以牲埋一於四內皆以一歸王褒九懷余深慙兮慘

怛願——

兮無從

一園

李商隱北齊詩晉陽已陷休回顧更請君王獵
羅隱寄前宣州竇常侍詩噴香瑞獸金三尺

舞雪佳人

玉一一

一衢

齊民要術南越志曰博羅縣有合成樹十圍去地
二丈分為三衢東向一一木葉似楝子如橄欖而

硬子去皮南人以為糝南向一一橄欖
西向一一三丈三丈樹嶺北之候也



御定駢字類編卷八十三